

日課簡集

AS-60-25



耶 穌 聖 心
爾 國 臨 格 於 中 國

天主降生一千九百三十六年

第三次出版

日課簡集

山東兗州府天主堂印書館印

NIHIL OBSTA'T

P. H. Chang SVD.
Libr. Cons.

IMPRIMI POTEST

P. Theod. Schu SVD.
Sup. Reg.

IMPRIMATUR

Yenchowfu, die 2. Maji 1936

† A. Henninghaus SVD.
Administrator Vic. Apost. de Yenchowfu

日課簡集目錄

題目	面數
早課	一
晚課	十九
彌撒規程	三三
告解經	五一
領聖體前經	六三
謝聖體經	六八
求爲聖教大行經	七四
聖母玫瑰經十五端題目	七五
苦路善工	七七

耶穌聖名禱文

九六

耶穌聖心禱文

一〇一

獻心誦

一〇六

奉獻天下與耶穌聖心經

一〇八

奉獻全家與聖心誦

一〇九

聖若瑟禱文

一一二

求聖若瑟垂佑

一一四

聖人列品禱文

一二六

助善終經

一二九

殯葬經

一四二

助煉靈經

一五三

聖號經

以十字聖架號，天主我等主，救我等於我仇。因父，及子，及聖神之名。啊們。

點聖水經

吾主以此聖水，滌滅我罪，驅逐邪魔，拔除惡念。

灑聖水經

望主灑我，而我自潔，洗我，而我自白，白於雪。

●早課

三鐘經

日出，正午，日沒，三時全誦。

鐘一 主之天神，報瑪利亞，乃因聖神受孕。聖母經一遍

鐘二 主之婢女在茲，希惟致成於我，如爾之言！

鐘三 且天主聖子，降生爲人，居我人間。

啟 天主聖母，爲我等祈。

應 以致我等，幸承基利斯督，所許洪錫。

請衆同禱，懇祈吾主，以厥聖寵，賦於我等靈魂；俾我凡由天神之報，已知爾子耶穌降孕者，因其苦難，及其十字聖架，幸迨於復生之榮福，亦爲是我等主，基利斯督。啊們。



聖體聖母合讚

吾主至聖之體，我等願常爲讚美；又吾衆共尊之母：卒世童貞聖母瑪利亞，無原罪之始胎，並爲讚美。啊們。聖母經一遍

凡諸信者靈魂，賴天主仁慈，息止安所。啊們。接念聖號經

聖母喜樂經

自復活瞻禮前一日正午起至聖三主日止
爲代三鐘經始終聖號經仍各一遍

天上母皇，喜樂！亞肋路亞。蓋爾攸孕者，亞肋路亞。符前語復活兮。亞肋路亞。爲我等轉達天主，亞肋路亞。童貞聖母瑪利亞喜樂，亞肋路亞。蓋主眞復活。亞肋路亞。

請衆同禱：天主爲爾聖子吾主耶穌基利斯督之復活，命天下萬民喜慶者，爲童貞聖母瑪利亞，賜我等永享常生之喜樂，亦爲

是我等主基利斯督。啊們。

五拜禮

一拜：信天主，一概邪妄之事俱棄絕。

二拜：望天主保佑，全赦我諸罪。

三拜：愛敬至尊至善之主，於萬有之上。

四拜：一心痛悔我之罪過，定心再不敢得罪於天主。

五拜：懇祈聖母，轉求天主，賜我善終恩佑。接念聖號經

聖神降臨誦

伏求聖神降臨，從天射光，充滿我心，爾爲貧乏之恩主，孤獨之父，靈性之光，憂者之慰，苦者之安，勞者之息，涕者之樂，吾心

之飴客也。

伏求聖神降臨，以潔心污，以灌心枯，以醫心疾，以柔心硬，以煖心寒，以迪心履，伏求聖神降臨也。

請衆同禱，以聖神之名，滿信者之心，天主者，賜我等聖神光輝，以長至智，以恆安樂，爲我等主，基利斯督。啊們。

感謝經

感謝吾主天主，庇佑我一夜平善，幸不犯罪，賜我今日生命，復見所造美麗諸物，浩大恩德，我今日求主真光，照我神魂，指引我路，使我今日勿迷惑顛仆。不幸得罪，是顛仆於地，主速扶救我，俾知痛悔改過，專心憶主。賜我聖寵，恆存於心，我心已足，

不圖外物。主原教我，毋聽淫聲，毋視邪色，毋道非禮之言，毋取非義之物，毋踐非禮之地，心毋妄思，意毋妄動，惟使我憶主愛主，至死恪遵規誡。啊們。

聖三光榮誦

天主聖父，天主聖子，天主聖神，吾願其獲光榮。厥初如何，今茲亦然，以迨永遠，及世之世。啊們。

耶穌聖心會經文

按耶穌聖心會意，請衆同禱：

天主經

在天我等父者，我等願爾名見聖，爾國臨格，爾旨承行於地，如

於天焉。我等望爾，今日與我，我日用糧，而免我債，如我亦免負我債者，又不我許陷於誘惑，乃救我於凶惡。啊們。

聖母經

萬福瑪利亞，滿被聖寵者，主與爾偕焉，女中爾爲讚美，爾胎子耶穌並爲讚美。天主聖母瑪利亞，爲我等罪人，今祈天主，及我等死候。啊們。

信經

我信全能者天主父，化成天地。我信其惟一子，耶穌基利斯督，我等主。我信其因聖神降孕，生於瑪利亞之童身。我信其受難，於般雀比辣多居官時，被釘十字架，死而乃瘞。我信其降地獄，

第三日，自死者中復活。我信其升天，坐於全能者天主父之右。我信其日後，從彼而來，審判生死者。我信聖神。我信有聖而公教會，諸聖相通功。我信罪之赦。我信肉身之復活。我信常生。啊們。

盡甘耶穌聖心，使我愛爾日進。

虔禱宗會日誦之經

爾國臨格，耶穌至聖之心，我今因聖母無染原罪之聖心，將所念之經，所行之事，所受之苦，仰合爾之聖意，奉獻於爾，求爲聖教廣揚，教皇平安，並爲主教指定當求之急事。且願得今日所能得之諸赦，讓於煉靈。

聖母聖心會經文

按聖母聖心會意，請衆同禱：接念聖母經

聖神會經文

按聖神會意，請衆同禱：接念天主經

天主聖神安慰者，發於我等光明，及勇敢，又賜平安。念聖母經
天主聖神，無染原罪之淨配，同諸天神聖人聖女，轉求天主，賞
賜本主教處，未進教者，棄邪歸正。啊們。

信德誦

吾主天主，爾至真實，不能虛言，爾又全知，不能差錯。我信爾
是真天主，一體三位，爾又於聖教會內，默啟各端道理，使之永

不能錯，我爲此堅心全信，至死不變，求主堅我信德。啊們。

望德誦

吾主天主，爾至忠信，既許必賞，爾又全能，能賜所許，又極仁慈，願允所求，我爲此賴耶穌救贖功勞，望爾全赦我罪，賞我寵佑，得升天國，永不失望，求主加我望德。啊們。

愛德誦

吾主天主，無窮美善，可愛無比，爾又愛我，賞我無數恩惠，我爲此愛爾在萬有之上，併爲爾愛人如己，痛悔我罪，恆久事主，永無間斷，求主熱我愛德。啊們。

小悔罪經

天主耶穌，基利斯督，我重罪人，得罪於天主，而今爲天主，又爲愛天主萬有之上：一心痛悔我之罪過，一心痛悔我之罪過，一心痛悔我之罪過。定心再不敢得罪於天主，望天主赦我之罪。啊們。

讚頌聖母經

申爾福，天主聖母，仁慈之母，我等之生命，我等之飴，我等之望，申爾福。旅茲下土，厄娃子孫，悲懇號爾，於此涕泣之谷，哀漣歎爾。嗚呼，祈我等之主保，聊亦迴目，憐賜我衆，及此竄流期後，於我等見爾胎，普頌之子耶穌。吁其寬哉，仁哉，甘哉，卒世童貞瑪利亞。天主聖母，爲我等祈，以致我等，幸承基利斯

督，所許洪錫。啊們。

求託聖母經

我之主母我之母，我全全獻已於爾，亦以證我真實爲爾孝子，
卽將我目，我耳，我口，我心，我全靈全身，今日無不爲爾託付
慈母。我既皆屬於爾，乃爾保護我，亦如屬於爾之物。念聖母經
求聖母救急難祝文

天主聖母，切我罪人，託居蔭庇之下，幸勿嫌所求者，凡遇急難
與諸危險之中，救援吾人，卒世童貞哉，至榮哉，極殊福哉！

向護守天神誦

天主天神，領守我者，惟上仁慈，托我於爾，今日賜我照護引

治。啊們。

向主保聖人誦

眞福主保聖人，求爾於天主台前，轉求加我神力，賜我今日遠絕犯罪之端，勉效爾之諸德。啊們。

聖神七恩經

懇求聖神臨，使敬畏之神恩，寵照我心：賞我善心之眞樂，靈魂之潔淨，寧受萬死，不敢得罪於天主。

懇求聖神降臨，使孝愛之神恩，寵照我心：賞我熱愛事奉天主，甘心棄絕世務，切望結合天主。

懇求聖神降臨，使聰敏之神恩，寵照我心：賞我以世務如糞土，

以功德爲珍寶，終身立功，頃刻不悞。

懇求聖神降臨，使剛毅之神恩，寵照我心：賞我全守誠命，永不爲三仇搖動，雖受萬苦，亦不敢離天堂正路。

懇求聖神降臨，使超見之神恩，寵照我心：賞我凡思言行，翕合主命，光照我心中黑暗，開我神目，領我正道，得到天國。

懇求聖神降臨，使明達之神恩，寵照我心：賞我通達天主奧理，能真心切望熱愛天主，永無間斷。

懇求聖神降臨，使上智之神恩，寵照我心：賞我死於世俗，活於天主，凡思言行，無不欲顯天主光榮。

求聖神祝文

天主聖神，神愛之大父，求爾光照我，堅固我，及爾所愛之民。幸賴爾仁慈，我等得重生之恩，成天主愛子。望常救我等於三仇誘惑，保護我等於惡人之謀害。啊們。

爲恩人請衆同禱： 念天主經 聖母經

七祈求

一求爲聖教宗主：祈主允延德壽，化及萬方。

二求爲當今帝王官長：祈主賜以四方寧靜，五穀豐饒。

三求爲主教，併諸位鐸德：祈主賜以神形兼佑，德化日隆。

四求爲父母親友恩人：祈主保佑，和睦平安，欣勤守誠，及未進教者，棄邪歸正。

五求爲疾病貧窮患難者：祈主賜以安寧，化殃爲吉。

六求爲諸異端者：祈主消滅邪妄，咸歸正教。

七求爲煉處靈魂，及近亡諸信者：懇祈聖母轉求天主，寬煉往罪，早賜升天。

向聖神誦

惟望聖神，永居我心，降福我等，使我等堅信聖教道理，恒守規誠。吁天主聖神，以爾聖寵，使我等於耶穌聖心中，常歡常樂，至於永世之世。啊們。

五謝禮

一謝天主生養照顧之恩。

二謝天主降生救贖之恩。

三謝天主赦罪賜寵之恩。

四謝天主賜我進教引我升天之恩。

五謝天主自生我等至今無數之恩。

早課終

○獻本家於聖家誦

吁至可愛之耶穌，救贖我之恩主，你從天降來，以傳教立表，光照世界，納匝肋破房，情願要住，半生有餘，常聽瑪利亞若瑟之命，祝聖過聖家，以爲普世之善表。今將我家，全獻於爾，可恩慈收留之，保佑之，護守之，堅固敬主之善心，加增相愛之善意，使我像似爾聖家全得永福。

吁瑪利亞，至愛耶穌基利斯督之母，亦爲我等之母，以爾仁慈感動聖子耶穌，樂收我祭獻，多施恩惠，多加寵愛。

吁至聖若瑟，護守耶穌瑪利亞者，保護我等於神形艱難，使我家，同你及聖母，永遠讚美感謝救世主，耶穌基利斯督。啊們。

●晚課

聖號經 三鐘經 五拜禮 聖號經 聖神降臨誦

感謝經

感謝吾主天主，庇佑我一日平善，幸不犯罪，賜我今夜生命，浩大恩德，我今求主，使我今夜勿迷惑顛仆，不幸得罪，是顛仆於地，主速扶救我，俾知痛悔改過，專心憶主，賜我聖寵，恒存於心，我心已足，不圖外物，主原教我，心毋妄思，意毋妄動，惟使我憶主愛主，至死恪遵規誡。啊們。 念聖三光榮誦

信德誦

天主我信爾，因爾惟真惟實，求主堅固我信德。

望德誦

天主我望爾，因爾至忠至慈，求主加我望德。

愛德誦

天主我愛爾，因爾無窮美善，求主熱我愛德。

天主十誡

一，欽崇一天主萬有之上。

二，勿呼天主聖名以發虛誓。

三，守瞻禮之日。

四，孝敬父母。

五，勿殺人。

六，勿行邪淫。

七，勿偷盜。

八，勿妄證。

九，勿願他人妻。

十，勿貪他人財物。

右十誡總歸二者：愛天主萬有之上，及愛人如己。

聖教會四規

一，凡主日，及一總罷工瞻禮，該望全彌撒。

二，遵守聖教所定大小齋期。

三，該妥當告解並善領聖體，至少每年一次。

四，當盡力幫助聖教會的經費。

每晚省察要式

省察我今日，或思，或言，或行，或缺本分，得罪天主，真心痛悔，而定改之。省察片刻 念小悔罪經

聖母禱文

啟 天主矜憐我等！

應 基利斯督矜憐我等，天主矜憐我等！

啟 基利斯督俯聽我等！

應 基利斯督垂允我等！

啟 在天天主父者！

應 矜憐我等！

啟 贖世天主子者，

應 矜憐我等！ 後做此

啟 聖神天主者，

三位一體天主者，

啟聖瑪利亞，

應爲我等祈！

後做此

啟天主聖母，

童身之聖童身者，

基利斯督之母，

天主寵愛之母，

至潔之母，

至貞之母，

無損者母，

無玷者母，

可愛者母，

可奇者母，

善導之母，

造物之母，

救世之母，

極智者貞女，

可敬者貞女，

可頌者貞女，

大能者貞女，

寬仁者貞女，

啟大忠者貞女，

應爲我等祈！
後倣此

啟義德之鏡，

上智之座，

吾樂之緣，

妙神之器，

可崇之器，

聖情大器，

玄義玫瑰，

達味敵樓，

象牙寶塔，

黃金之殿，

結約之櫃，

上天之門，

曉明之星，

病人之痊，

罪人之托，

憂苦之慰，

進教之佑，

諸天神之后，

啟諸聖祖之后，

應爲我等祈！後做此

啟諸先知之后，

諸宗徒之后，

諸爲義致命之后，

諸精修之后，

諸童身之后，

諸聖人之后，

自始胎無原罪之后，

至聖玫瑰之后，

平安之后，

啟除免世罪天主羔羊者，

應主赦我等！

啟除免世罪天主羔羊者，

應主允我等！

啟除免世罪天主羔羊者，

應主憐我等！

啟天神來報聖母瑪利亞，

應乃因聖神受孕。

求恩經

仁慈聖母瑪利亞，求爾於天主臺前，爲我轉祈，保我今夜生命，平安至曉，免陷猝死之厄。啊們。

天主天神，領守我者，惟上仁慈，托我於爾，今夜賜我照顧引治。啊們。

天主忠臣，我之主保，爲我懇祈吾主耶穌，賞賜寵光，保護我一夜平善，神形並賴主慈，不許仇讐侵我。啊們。

啟聖神之淨配，

應爲我等祈！

後做此

聖安得肋，

應爲我等祈！

啟聖若瑟，

聖額我略，

啟聖嘉俾厄爾，

聖若翰保弟斯大，

聖女加大利納，

伏望全能至仁天主父，及子，及聖神，降福保全我衆。啊們。

聖母顯跡新經

吁瑪利亞，無原罪之始胎，我等奔爾臺前，望爾爲我等祈。聖母經
各三遍

求聖若瑟爲本身每日主保祝文

至聖若瑟，膳養吾主耶穌之父，又極淨聖母瑪利亞之配，我今日求爾於天主前，作我主保，噫，惟爾爲我主保中，首先所敬仰者，求爾今日收我爲爾之門下，保護我於患難之中，不離我於臨終之時。啊們。

求爲主教誦

吾主天主，無極仁慈，矜訓我等，設立主教，選擇大德，當此重

任，治理教務，付司鐸尊位，施行聖事，救拔吾儕，我今感主教之恩，求主賜之能力，克稱其職，撫眷吾羊，同躋天國。啊們。

求爲傳教誦

吾主天主，生我贖我，無極洪恩，我從邪干罪，賴主慈憫，命司鐸傳教，使我認識大主，領聖水滌除往罪，主知我力弱怠惰，易犯誠命，復令神父，持我弱，策我怠，解我罪，訓我立功補愆，我今求主，加佑神父，賜之康寧睿智，明徹主旨，洪敷主慈，使我恪遵教規，持守善終，隨我神父，藉其功德，偕享永福。啊們。

求爲在教已亡父母親友恩人誦

吾主天主，命我孝敬父母，汎愛衆人，圖報恩人，又教我追思已

亡，代爲求主，我今念及父母親友恩人去世之靈魂，在世事主，遵從聖教，我雖無德無功，獻主臺前，求主洪慈裕容，赦我父母親友恩人煉罪，速賜升天，永遠享福。啊們。

天主經 聖母經 聖神七恩經 求聖神祝文

求爲本主教處廣揚聖教祝文

伏求天主聖神，因聖方濟各之功德，及爾無染原罪之淨配瑪利亞，並大聖若瑟，鞠養耶穌之苦難，允我所求，賞賜本主教處，聖教太平，恩佑帝王官長，不阻聖教，常加保護，爲吾主耶穌，基利斯督。啊們。

七祈求 天主經 聖母經

求聖心爲臨終者誦

吁，至仁耶穌，鍾愛靈魂者，我因爾聖心極苦至死，及爾無玷聖母之痛苦，懇將天下罪人，現時臨終，而今日待死者，悉洗於爾血之中。啊們。

吁，耶穌臨終之聖心，矜憐伊等將亡者。 念向聖神誦

向耶穌瑪利亞若瑟誦

耶穌，瑪利亞，若瑟，我心我靈我生命，皆獻於爾等。

耶穌，瑪利亞，若瑟，扶助我於臨終時。

耶穌，瑪利亞，若瑟，俾我在爾等中，得安死之恩。

五謝禮 聖號經

晚課終

◎獻本家於聖家誦

全家在聖家像前熱心誦此經
每日一次可得三百天大赦

可愛之耶穌，以爾莫名之聖德，及隱居之善表，祝聖爾在世間所揀選之聖家，我全家俯伏在地，懇求爾看顧此家，請想是格外奉獻於爾之家，望爾護佑，在危險中扶救，在各樣患難中幫助，賞賜恆心效法爾聖家，在世間忠心奉事爾，愛慕爾，以後在天堂上永遠讚美爾。

吁瑪利亞，甘飴之聖母，我等求爾保護，堅信爾聖子，俯聽爾轉達。

榮福之聖祖，大聖若瑟，以爾大能之轉達，救助我等，求將我等之所禱，因聖母奉獻於耶穌。

呼號聖家誦

聖家會友每日一次
能得二百天大赦

望耶穌瑪利亞若瑟，光照我等，幫助我等，扶救我等。

●彌撒規程

善願五端

恨我一生自作愆尤，并惡古往今來罪過，我若尙能阻止，祈主賜佑阻之。

讚揚開闢至今德業，頌羨今迄世末善功，我若猶能增廣，祈主賜佑增之。

願我思言行爲，能具：諸聖所具，將具及克具之善志，爲得愈顯天主光榮。

凡我仇讎辱我面，毀我名，肆害我，陰謀我，勿論何故何如，悉以真心寬恕。

若能普救世人升天，爲之逐一捐軀，力本不逮，心實甚甘，祈主
賜寵遂願。 天主經 聖母經

◎將祭

一 神父至台中 退下畫十字 當念

定心祝文

至慈之大父，共慰天主，至恕至寬，令惟一聖子，爲救我衆，釘
於十字架上。又垂諭以所獻天主最重之禮，每日復行於聖教
會，增益我力。於，惟此禮，高厚淵微，能闡主愛，能保我等於真
福。伏惟佑我有事者，專心致敬，庶於如是洪恩，定受其賜，爲

我等主基利斯督。啊們。

二 神父畫十字 我等亦畫十字

三 神父悔罪 當念解罪經

四 神父到祭台左誦古經 當念

我重罪人，憶昔古聖人，望吾主降生救贖我等重罪。求天主聖父之全能，賜我等力量，翼我柔懦。求聖子耶穌基利斯督之全知，賜我明悟，啟我昏昧。求聖神之全善，賜我真切愛慕，振我懈惰。

五 神父在台中誦經 當念吾主矜憐我等罪人三遍

六 神父將兩手開復合掌 當念

榮福誦

天主受享榮福於天，良人受享太和於世。我等稱頌爾，讚美爾，欽崇爾，顯揚爾。爲爾大榮謝爾。主，天主，天上之君，全能天主聖父。主惟一聖子耶穌基利斯督，主，天主，天主羔羊，聖父之子，除免世罪者，矜憐我等。除免世罪，受我等禱。坐聖父之右，矜憐我等，蓋耶穌基利斯督，爾爲惟一聖，惟一主，惟一至上，偕聖神，與天主聖父之榮福。啊們。

七 神父轉身向衆 當念

謝主，賜我得知降臨我心中。更求令普天下之人，盡知殊恩，罔不歸向。

八

神父至台左開手誦經隨本日瞻禮之意祈禱 當念

七祈求經 天主經 聖母經

九

神父按手經上誦經

十

移經台右神父畫十字我等亦畫十字立起

十一

神父到台中念信經 當念信經

十二

神父轉身向衆 當念謝吾主，賜我得知降臨我心中。

十三

神父開聖爵捧麵餅斟酒 當念

吾主耶穌基利斯督，至仁至慈，慨發重寶，贖我等罪。二遍

神父手捧聖爵 當念

吾主以爾聖血，赦我等罪，倘若爲主致命，所深願焉。

十四

神父洗手 當念小悔罪經

神父轉身向衆 當念

向耶穌聖靈誦

懇祈吾主耶穌基利斯督聖靈恩寵我，耶穌聖身扶佑我，耶穌聖血酣暢我，耶穌聖肋之水潔淨我，耶穌苦難聖死堅勵我。嗚呼，伏求全善耶穌垂允，藏我於聖傷中，勿棄我，勿許我離背，望救我於諸惡仇，迄我死後，召我趨赴主台前，偕諸神聖，讚揚吾主於無窮世。啊們。誦此經每次能得三百天大赦 領聖體後念能得七年二百八十天大赦若天天念每月能得一次全大赦欲得此赦須領告解聖體按教宗之意念天主經聖母經五遍

吾主耶穌，爾於斯奇奧之理，初遺聖愛之表，受難之迹，乞賦我愛爾之誠心，使我如是領爾聖體，可時獲爾救我之洪恩。

十五

神父微聲念經

十六

神父高聲念「聖，聖，聖！」當念我罪，我罪，告我大罪。

十七

神父親聖石默祈天主 當念

求吾主廣揚聖教會，保佑當今教化皇，帝王，本主教及衆司教諸品者，并父母親友恩人，及普天下奉教者。

吾主將受難之前一夕，定聖體大禮。與宗徒在山園中作別，爲我等萬民，默祈聖父，受苦贖罪尙有不能感發其情，盡解之罪，辜負其苦，作如是想，忽然汗血併流，內情所發，至慈之恩也，伏祈吾主普化之。

此時或爲生者死者病者患難者祈求 當念

求恩祝文

罪人罪大惡極，無可奉獻聖父，願仰藉吾主耶穌聖體聖血功勞，以獻天主聖父。罪人罪大惡極，無可奉獻耶穌，願仰藉聖母瑪利亞功行苦勞，以獻吾主耶穌。罪人罪大惡極，無可奉獻聖神，願仰藉諸聖熱愛衷情，以獻天主聖神。罪人專懇耶穌聖母，及諸聖人聖女，同祈天主，加佑當今教化皇，及天下諸聖教會，教化衍盛，異端消滅，人民清泰，國土安靖。未奉教者，普賜進教事主。已進教者，普賜遵教立功。在煉獄者，普賜赦罪升天。遭苦難者，普賜平安得所。罪人過惡深重，不敢瑣瀆真主，總仰藉天上諸功，普世諸功，獻主台前，求主蚤擴聖教，速救萬

民，赦我等罪過，拔我等罪根，除我等偏情，加我等力量，守誠行善，以至死後，救我等靈魂升天，允我等祈求，滿所冀願。啊們。

十八

神父在聖爵上畫十字 當念願吾主至仁之體普現寵臨。二

◎正祭

一

神父舉揚聖體 當念

舉揚聖體祝文

伏望天主聖父，看吾主耶穌聖體分上，赦我等之罪。

三拊心 神父跪下 當念

俯拜稱謝吾主耶穌基利斯督，甘願以十字聖架，救贖普世，伏祈吾主，赦我等罪。啊們。 小悔罪經 神父舉揚聖爵 當念

舉揚聖爵祝文

伏望天主聖父，看吾主耶穌聖血分上，沃我等心身。

三拊心 神父跪下 當念

申爾福，至寶血，吾主耶穌基利斯督，在十字架上爲人永福所流下者。

朝拜耶穌聖血誦

我朝割肉聖血，求賜上智之恩，與絕慾之德。

我朝園中流汗聖血，求賜明悟之恩，與節食之德。

我朝石柱上受撻所流聖血，求賜識見之恩，與仁愛之德。

我朝刺箍聖首所流聖血，求賜敬畏之恩，與謙遜之德。

我朝釘手聖血，求賜善謀之恩，與哀矜之德。

我朝釘足聖血，求賜剛毅之恩，與恆久之德。

我朝剝胸聖血，求賜欽崇之恩，與含忍之德。

二 神父在聖體上畫十字五次 當念

小五傷經

一，拜右手之傷，求勇德，以輕世福，不致驕傲。祈吾主救我等心身。

二，拜左手之傷，求忍德，以勝世禍，不致失望。祈吾主救親友

恩人。

三，拜右足之傷，求勤德，以趨諸善，得升天堂。祈吾主救煉處靈魂。

四，拜左足之傷，求畏德，以避諸惡，免墮地獄。祈吾主救犯罪惡人。

五，拜肋旁之傷，求愛德，上愛天主，下愛衆人。祈吾主救仇讎害我。

三 神父又合掌點頭 當念

求吾主救煉獄教衆，賴主仁慈，息止安所。啊們。

天主經 聖母經

四 神父拊心我等亦拊心三次 當念 吾主矜憐我等三遍

五 神父在聖爵上畫十字我等亦畫十字 當念

吾主救我等罪人三遍 拊心三次

六 神父高聲誦天主經 當念天主經一遍 隨念

吾主，靈魂肉身，生前死後，望於天主，悉在主經之七求，伏惟俯允。

七 神父分麵形爲三 當念 我情願與肉身離，不願離吾主。

八 神父請小分麵形入聖爵 當念

神領聖體經

吾主，我切望領聖體，使我神魂與聖體相依，誠恐罪愆，不能滌

淨，不敢輕領。祈吾主賜我改過遷善，將來定要求領，沾無極寵恩，專心冀願，若恭領之者然。啊們。

九

神父跪下起拊心 當念救世之天主救我等三遍

聖體聖母合讚

吾主至聖之體，我等願常爲讚美，又吾衆共尊之母，卒世童貞聖母瑪利亞，無原罪之始胎，並爲讚美。啊們。

奉獻經

天主，你造我爲爾，我願將我奉事爾，我把我的靈魂肉身性命，及我的能力，都奉獻於爾。我獻我的明悟，爲認識爾。我獻我的記念，爲常記念爾。我獻我的愛欲，爲愛慕感謝爾。我獻我的雙

眼，爲看爾奇妙的工。我獻我的雙耳，爲聽你的道理。我獻我的唇舌，爲讚頌爾名。我獻我的聲音，爲歌唱爾美。我獻我的雙手，爲做各樣的善工。我獻我的雙腳，爲走天堂的窄路。凡是我想念的，我口說的話，我身做的事，我遭的苦楚，我被的輕賤，我受的凌辱，我生命所有的，年月日時，我的生死禍福，都奉獻於爾，專望一切都歸你的光榮，及願都合天主的聖意，都順天主的命，都有大益，與救我及衆人的靈魂。吾天主，罪人罪大惡重，所獻不堪，靠爾仁慈，望爾哀憐，請納我獻。啊們。

◎撒祭

一 神父敘聖爵等物又請經過台左誦經一段即轉身向衆 當念

謝吾主降臨我等中焉。今日乃吾主允我來瞻仰。我今在此，恐不能正心誠意，反開獲罪之端，祈寬恕之。

二 神父又誦經謝恩

三 神父又轉身向衆 當念

今日幸承天主不棄，得與諸天神同堂瞻禮。日後審判，冀免地獄之苦，獲遂升天之望。啊們。

四 神父畫十字祝福於衆 我等亦畫十字 當念

降福祝文

煉獄彌撒不念

伏惟全能天主父，及子，及聖神，降福保全我衆。啊們。念畢立起

五

神父在台右誦經一段誦畢跪下 當念

吾主耶穌，我專心感謝爾，賜我等與彌撒，見爾於餅酒形，沾爾洪恩，何樂如之，伏祈爾，俾罪人於此世上，恪守爾命，不敢失望，得升天國。啊們。

六

神父下台跪下念經 當念聖母經三遍 申爾福

吾天主，吾之仰望兮，吾之勇敢兮，爾之子民，哀漣號爾，矜憐我等，矜憐我等，罪人失迷，恩賜悔改，聖教艱難，賜之廣揚。嗚呼，賴卒世童貞聖母瑪利亞，及其淨配大聖若瑟。賴爾之宗徒，聖伯多祿聖保祿，及諸聖人聖女之轉求，恩賜我衆，允我所求，爲我等主基利斯督。啊們。

總領天神，聖彌額爾，保護聖教於三仇交戰護守教民，不從邪魔。望天主聖威，毀滅惡鬼。望天堂元帥，戰勝惡神。大聖彌額爾，嗚呼，羣鬼徧滿世界，靈魂落獄無數。吁，天地大軍聖彌額爾，鎖鬼於地獄，領衆人升至天堂。啊們。

●告解前經

◎告解前誦

吾主耶穌，我真心回到你台前，我又犯了罪，離開了你，若不來到你跟前，要往那裏去呢。你不收留我，誰收留我呢。你若棄捨我，該盼望誰寬免呢。從前我拿定主意，要隨你的光照，躲避一總的罪惡，另外要改某毛病。咳，真可憐我無恆心的人，因我的私慾偏情，又離開了你，我既然又得罪了你，除非再上你這裏來，別無依靠盼望，因為你是我的安慰，我的生命，我的救護，我重罪之饒赦，我軟弱之扶持，我靈魂之安慰，我今仆伏在你台前，懇切求你可憐我，看顧我，如當時憐視伯多祿，賜我動心

認罪，巴不得我心中痛悔，像似伯多祿，流淚如雨。至仁慈的耶穌，賞我所求，赦我諸罪。啊們。

哀禱祝文

至甘飴良善可愛之耶穌，我重大罪人，惹了你的義怒，傷了你的慈心，辜負了你無數的恩典，捨了你無限的愛情，你大開慈悲之心，賞我雙眼流淚之泉，我今跪到你台前，哭求你，賜我如瑪大肋納，跣在你腳下，痛哭流淚，亦如達味晝夜傷慘之情，吾主耶穌，爲我傾流寶血，允我所求，我今跪伏你腳下，等着你降福我，安慰我，饒赦我的罪。

至仁慈的大父，我在你台前，犯了冲天大罪，不敢稱爲你的兒

子，我重看了肉身偏私，輕慢了你至尊之大父，我愛了卑賤無用的世俗，我這辜恩負義的人，何敢再稱你的兒子，我若如此，終身不得平安，枉費心勤，白受勞苦，真是沒有半點兒的安慰，咳，我仁慈的大父，你是愛情的府庫，我慈善無窮的慈父，我在你台前，犯了冲天的大罪，雖然不敢當你的兒子，到底要依靠你的仁慈，懇求你再賞我從前因我的罪失落的聖寵，因我的私愛，失落的愛情，以後永遠再不失。啊們。

或念省察前誦

吾主，吾天主，我在你台前，承認我的沒良心，不但褻瀆了你至尊的光榮，也冒犯了你愛人如己的誠命，認識我的罪，皆

因我的心過於戀愛世務，求你把我鐵石之心，換成柔軟之心，效法你聖心之謙遜良善，收我在你揀選之人內。

死於十字架上之耶穌，求你別嫌我來的太晚，就不收留我，我知道你的愛情無限，如那右盜死前片刻的工夫，還得罪之赦，榮登天國，我也懇切求你，恨不能有那右盜之真切愛情痛悔。

吁，耶穌納匝肋諾，可憐我罪人，雖然不堪得你的聖寵，但看你十字架上的萬苦饒赦我，吁耶穌納匝肋諾，可憐我罪人。

我的善牧童，至仁慈的耶穌，我是失路無牧之羊，把我找回來，領到正路上，你說過，我看守我的羊，凡失迷了的，我把他們找回來，凡跑散了的，我把他們約到一齊。吾主，你看我這失迷跑

散的羊，受了無數的罪傷，求你治好我，雖然我離開你，再求你引領我到你台前，在你揀選之神人中，永遠讚美你的仁慈。啊們。

求認罪誦

吾主耶穌，我這可憐的罪人，如在黑暗之中，被猙獰惡鬼傷害了我的靈魂，如那從日路撒冷往耶利各去的人，被賊搶劫傷害一樣，我在這世界之中，三仇不但傷損你所賞的美好，而且害了我靈魂之生命。吁，耶穌至仁至慈之撒瑪利大諾，你可憐我，你是我生命的盼望，求你看顧我。你是我神病的醫生，求你治好我的靈魂，叫我隱藏於你肋旁至聖之傷中。全能全知至公義

之天主，罪人在你台前，真是胆顫心驚，因我所犯之罪，多於天
星海砂，何敢仰頭望你，但你慈善無窮，求赦我罪，息爾義怒，
寬免我地獄永罰。至仁慈的天主，求你發聖神之光，光照我於
罪惡黑暗之中。仁慈聖母瑪利亞，護守天神，我之主保，及天朝
諸聖人聖女，都爲我轉求天主，賞我聖信之光，認識我罪，知我
卑賤，相幫我省察明白，加我寵佑，賜我真全痛悔，辦妥當神
工，永不復犯。啊們。

◎省察

先求了天主以後盡心查考自己的罪卽按着天主十誡聖教四規自
己地位上的本分另外用心省察自己素日常犯的罪習慣的毛病

認己罪

吁耶穌，爾乃我真主天主，我將何言，我跪在此，叩首至地，自認己罪，我實有得罪爾，我多爲罪事，噫，我最愚頑，常違十誡，每逆爾命，不知報本，我最無用，塵埃糞土，沒有好處，我多罪惡，極其污穢，爾可憐我，付爾洗潔。噫，不若前日莫得罪爾之猶愈。憶，爾可憐我，我前日若不自棄爾所賜之物，我今有多聖寵矣。是誰之過，是誰之過。我今與爾立約，後定不敢再犯，要順爾命，雖被人碎割，亦不敢復得罪爾。吁，吾主天主，爾最慈悲，千萬可憐我，常念爾子耶穌，及聖母瑪利亞，并衆聖人在天上，與爾相和好，爾洗我神魂清潔，使能得爾愛，能受爾福。啊

們。

大悔罪經

至仁至慈者，天地大君，統一普生，無上眞主，我重罪人，爲主所生，今因愛慕吾主至切之情，超於萬物，衷誠深悔以前種種罪惡，寧願失天下萬福，盡罹天下萬苦，不願稍獲罪於我至尊至善之主，以後決定堅守主命，一切棄遠犯罪之端，至死無敢復犯，敢望吾主，念聖子耶穌，旣爲我等罪人，甘心受難，贖我重罪，必允我所求，全然賜赦佑改，恆守至死，獲享無限眞福。啊們。

痛悔經

吁耶穌，我至仁至慈的大父，罪大惡極之罪人，仆伏在你台前，默思我之污穢，靈魂醜陋難堪，羞愧至極。我罪之利害，傷了我的靈魂，滅了天主肖像的美麗，害了超性的生命，奪去一總的聖寵恩典，敗壞了天主義子的地位，不得天堂的永福，因此我心裏難受至極。因我罪又惹了你的公義，應受地獄永遠無限的罰，想起來我心中害怕，胆顫心驚，後悔至極。因我罪得罪了造生保存救贖我的恩主，我真是沒良心。因我罪，相反了你的美善，辜負了你的愛情，我心裏痛恨至極。因我罪得罪你萬萬美善的天主，至可愛，自有萬善萬美，萬福全備的天主。我當欽崇愛慕你在萬有之上，反倒得罪了你，我今叩首至地，

不敢抬頭望你的聖面，我從心裏難受害怕，我從心裏後悔痛哭我的罪，我心裏難受一輩子的大小諸罪，至仁慈的耶穌基利斯督，懇求看你在十字架上流盡寶血的功勞，及衆聖人聖女們的功德，饒赦我重罪，我從今以後，寧失天下萬福，盡受天下萬苦，至死不敢再犯。啊們。 小悔罪經

解罪經

籲告吾主，全能天主，卒世童貞聖母瑪利亞，聖彌額爾總領天神，聖若翰保弟斯大，聖伯多祿聖保祿，一切天朝聖人聖女，及司鐸代天主位者，我今稽首，自訟自承，凡思言行，得罪至極，多能爲善，而未之爲，多能戒惡，而弗之戒，此罪之故，咸歸於

我，天主台前，痛心慘悔我罪^{拊心}，我罪^{拊心}，告我大罪^{拊心}，望我恩保聖母瑪利亞，望諸聖人及諸聖女，爲祈吾主耶穌，赦我諸罪，今者，昔者，解者，忘者，自今而後，賜以聖寵，免我陷惡，佑我行善，挈我升天，享無限福。啊們。

告解後誦

吾主天主，我多謝你這無限量的恩典，因爲你看耶穌在十字架上立的功勞，聖母及諸聖人聖女們的轉求，賞賜了我認明自己的罪，又賞我真全痛悔，辦了完全的神工，又賜了定改堅固的主意，情願做補贖，補還從前的缺處。

我再感謝你，因爲你的仁慈，不但開了魔鬼的鎖鍊，從地獄裏

救出我的靈魂來，又以你聖子聖血洗淨我，賞了我從前失落的聖寵恩典。

至甘飴可愛的耶穌，我這回到你台前，又把我極醜陋之神癩，全洗乾淨了，你真是我仁慈的救世主，我如今感謝你，以後永遠感謝你，把我的靈魂肉身，全托付給你，我定要全心全靈全力，愛你在萬有之上，求你加我聖寵，堅固我的心，降福我的志向，以後至死再不犯罪。啊們。

奉獻經 見四六面

●領聖體經

◎預備領聖體經

維茲聖體領之何爲，耶穌聖身聖血靈魂，無不俱備，聖父聖子聖神，允咸赫臨，重罪之人，何容妄領，但吾主勸諭，領者必獲天堂常生，又何敢不領，今我神糧匱乏，力量虛微，願滌我心，願堅我德，慎我言動，行我苦工，提正抑邪，心切神領，庶幾鑒此微誠，不嫌愚蒙，特賜實領，臨格我心，常存寵照。啊們。

信德經

天地大君，救世者主，不棄我等卑污，願進我心中，似此莫大榮施，我等如何敢當，祇因耶穌聖言堅確不移，故我實信聖體中，

卽具當日降生於馬槽，後被釘於十字架上之肉軀寶血，全全降臨，今我目雖不見，較之所見更真，我信吾主不離天堂，我信吾主亦寓麵形內，我信吾主聖體光榮，充滿我心，我信吾主聖體寵佑，增我神力，懇祈自今而後，結合我心，時時無間，永加我之信德。啊們。

望德經

至仁至慈之主，救我靈魂，以爾尊貴之身，全全愛結於我，如是大恩，且無所吝，更有何恩不願賜我，懇祈天主全智，永照我等罪人，我甚貧窮，望主濟我，我甚軟弱，望主扶我，我之心思念慮，易致搖動，望爾自今以後，堅我勵我，主持我心，使我常聽

主訓，行善至死，全賴吾主耶穌基利斯督，允我所望。啊們。

謙遜經

天地大君，至仁至慈之主，我固常望寵佑，但我返心自問，真大罪人，真卑賤人。物雖無功，亦無其罪，我爲物靈，反常得罪。我實愧悔無地，焉敢輕領耶穌至潔之體。今惟賴主仁慈寬容，赦我諸罪，以爾聖寵，賦於我之靈魂，俾我常遵主命，克除傲念，效爾謙德，以後勉力爲善，再不爲惡，迨至死期，庶得目睹天主之聖容。啊們。

情願經

吾真主，吾恩主，生養救贖吾儕，復願進我心中，加我靈佑。我

實愛慕至切，時常想望，願得恭領聖體，以爲我心之托，我罪之赦，我弱之助，我力之策。但我罪惡至極，恐致褻瀆，今惟賴聖母瑪利亞，護守天神，本名聖人，及一切天朝聖人聖女，以其勳勞，補我所行之缺，代我轉祈聖父，以其所愛之子耶穌，結合我心，滿我所願。啊們。

臨領聖體前誦

聖人若翰，自胎時爲聖，常謙言曰，罔敢與主釋屣帶，聖伯多祿宗徒之長，尙曰，吾主耶穌當遠我，勿近我。我乃大罪人，二大聖如此謙遜敬畏，我且如何，我罪惡彌身，曷敢近主。主降世時，療痊聾瞽瘡疾諸人，命死者復活，每與罪人言談坐食，我常

得罪，猶如蠱贅瘡疾，如死者然，求主療我活我，望賜聖體；但我罪人，何敢望領。因主昔有遺言曰，人若不領主聖體，罔能生
活，乞賜領受。啊們。

鐸德捧聖體時誦

卑污罪人，辱主俯臨我心，曷以當之。伏惟吾主，特降一命，我心諸疾，必痊愈矣。

領聖體時誦

祈望耶穌靈魂聖我，耶穌聖體救我，耶穌聖血潔淨我。

◎謝聖體經

小悔罪經 信德誦 望德誦 愛德誦

已領聖體祝文

我謝天主，我感天主，今日臨我胸中，比死後援我升天，厥恩更親，厥功更大。我今永時永日永歲，常憶天主救贖之奇愛，常思聖母敬供之隆情，常如三王來朝之盛禮，周日存想，一生不變，庶得天主，常存我心，常持我口，常保我身。啊們。

敬拜經

吾主耶穌，以爾聖心降我心中，我今俯伏恭向，敬拜爾恩，欽崇爾德，深謝爾以全能變化，永留聖體大祭於人間，俾我等常荷

神佑，卽合天朝神聖，天下人民，亦難報於萬一。懇求吾主耶穌，恕我卑賤，補我虧缺，令我時發熱愛，仰慕天上光榮，讚揚吾主無對之尊。啊們。

愛心經

吾主耶穌，以爾聖軀寶血，願作我等神糧，耶穌聖心，愛我至切，我今以愛還愛，以心體心，以後定志改遷，遵守規誡，補贖所犯罪過，至死不敢負恩負愛，懇求吾主耶穌，賜我熱愛之火，以熱我心。啊們。

感謝經

吾主耶穌，生我養我，救贖於我，今復斂其光榮，以爾尊貴之

體，降臨我極污心中，生活我之靈魂；我實感恩無盡，願同天下萬民，稱頌吾主之洪恩。啊們。

祈求經

吾主耶穌，基利斯督，懇求耶穌之聖靈佑我，懇求耶穌之聖身救我，懇求耶穌聖傷之血潔淨我，懇求耶穌之苦難聖死，堅我勵我，嗚呼，伏望仁慈之主，垂允我禱，勿棄我，勿拒我，救我於諸仇諸惡，凡我親戚友朋，亦求主加之聖寵神佑，改邪歸正，迨至死後，俾我等獲睹天主光榮，同諸天神聖人，常享永樂於無窮。啊們。 求賜諸德經

奉獻經

吾主耶穌，賜我聖身聖血，常存我心，我固時感時謝，但我罪人無功無德，無可奉獻於主，懇求吾主耶穌，憐我直誠，納我所獻，我願將靈魂肉身三司五官，全獻於主，奉獻明悟，願明天主奧理。奉獻記念，願想天主經言。奉獻愛欲，願常熱愛於天主。自今而後，獻我目，不觀非理之物。獻我耳，不聽非理之言。獻口，不出非理之聲。獻我心，不動非理之念。統獻一身，願用恭敬天主，懇求吾主耶穌，加我神力神勇。啊們。

又感謝經

至仁至慈天主，我受主無極恩惠，無可稱謝，我重罪多惡，思言行爲，無不得罪，身神污穢，主不但不罰我，更寬裕待我，肫切

動我，悔恨前愆，改遷無怠，更忘我罪，容我近主，領主聖體，令我神內，得懷上天下地，無比珍美，主在世時，凡誠心近主，無不取益適願，有罪者被化，改惡遷善，病者獲瘉，憂者獲慰，苦者獲安，愚者獲明，今蒙主仁慈，得我罪之赦，我病之瘉，我憂之慰，我苦之安，我愚之明，主在我心，爲我心主，求主常居，勿棄我，以主聖意，爲我心志，庶恆懷主，須臾不離，善生安死，偕主享主，至於無窮。啊們。

感謝吾主耶穌，無價真寶神糧，賜助神力，免陷罪惡，易走天堂之路。

求神赦誦

永頌光顯，德能榮福，於凡受造之物，願歸至聖不可分之聖三，及耶穌基利斯督我等主，被釘十字架之人性，及至聖至榮，童貞聖母生育之胎，及天上一切天神聖人，我等望得諸罪之赦世。啊們。

全赦經

吁，至慈善至甘飴之耶穌，我今跪伏爾前，我靈最熱最切，祈求爾，望爾將堅信切望熱愛之真情，及悲切痛悔我罪，定志悔改之實意，銘刻我心，而我心極切極痛，默思仰望爾五傷之時，我卽念達味聖王口中之語，斯衆鑽吾手，穿吾足，數吾諸骸骨。啊們。天主經 聖母經 聖三光榮誦各一遍

凡人領聖體後在苦像跟前虔誦此經能得全大赦

○求爲聖教大行經

無始無終，肇造萬物，全能者天主，憐念教外靈魂，皆爾化成，依似爾像。吁吾主天主，於此靈魂，地獄恆滿，我等專心祈爾望爾，念爾極愛之子耶穌，爲救彼靈魂，受萬苦萬難，被釘十字架死。嗚呼，懇祈天主，併念卒世童貞聖母瑪利亞，及天朝諸聖人聖女，祝禱勲勞，特仰爾仁慈，赦教外之人，背爾教，違爾命，毀爾言，忘爾恩者，種種多罪，望主垂憫寬赦，令彼改惡遷善，認識造世贖世無始無終之大恩主，乃可望繼承耶穌基利斯督，所許洪錫。啊們。

此爲聖方濟各沙勿略所常念之經
每次能得一百天大赦

●聖母玫瑰經十五端題目

◎歡喜一端○天神朝拜童貞瑪利亞，報曰天主特選爲母。

歡喜二端○聖母往見聖婦依撒伯爾。

歡喜三端○吾主耶穌基利斯督降誕。

歡喜四端○聖母獻耶穌於主堂。

歡喜五端○耶穌十二齡講道。

◎痛苦一端○耶穌山園祈禱。

痛苦二端○耶穌繫受鞭答。

痛苦三端○耶穌受茨冠之苦辱。

痛苦四端○耶穌負十字架陟山受死。

痛苦五端○耶穌被釘十字架上死。

◎榮福一端○耶穌復活。

榮福二端○耶穌升天。

榮福三端○聖神降臨。

榮福四端○聖母榮召升天。

榮福五端○天主立聖母於九品天神之上，以爲天地之母

皇，及世人之主保。

●苦路善工

朝拜念經默想之規

祭台前先作聖號念悔罪經文

吾主耶穌，基利斯督，是真天主亦真人，造世救世贖世者。我到爾台前，如久離本家之敗子，又如失路無牧之羊，心中愧悔，莫可名言。今恃爾之仁慈，悔恨一生罪過，不但因失天堂之福，得地獄之刑，實因得罪爾無窮美善，可愛之大父，造成救贖我之恩主。伏求因爾所受苦難，赦我往罪。依靠爾聖血功勞，真心定改，從今以後，寧死再不敢犯罪。啊們。

獻○天主，我等在爾台前，想爾爲人受難無限之愛情，求而將

此神工，相合於爾無窮聖血功勞。教化皇所准之赦，我都願得，
——全赦爲我靈魂，其餘全赦及諸大赦，爲在煉獄中親友恩人，
如爾之意，因此懇爾，爲爾之聖教廣揚，異端消滅，及凡教化皇
所定者。

首唱者叩拜念 天主，爲爾所受之苦難，矜憐我等。

衆應亦然 走往第一處

第一處

在第一座十字架前跪下後做此

首唱者叩拜念 耶穌基利斯督，我等欽崇爾，讚美爾。

衆應 爾因此聖架，救贖普世。 後各處做此

此第一處，發顯耶穌在比辣多衙門，受鞭子茨冠利害苦難之

後，皮肉寒冷，血脈流空，諸骨盡露。比辣多聽惡人的言語，判斷耶穌該死。

默想○我的靈魂，你想一想，那時吾主耶穌，雖然受鞭子茨冠利害的苦，何等樣安心忍受！聽比辣多定該死之刑，這都爲聽天主聖父打發他，爲救贖人的命令。你看這樣順命，痛悔你從前背主命之罪惡，對耶穌云。

祈求○吾主我之天主，爾爲救我受無數凌辱苦難，及惡官之判斷，因爾寶死，救我永遠之死。啊們。

首唱者念 在天我等父者云云 衆應我等望爾云云

首唱者念 萬福瑪利亞云云 衆應天主聖母瑪利亞云云

首唱者叩拜念天主爲爾所受之苦難，矜憐我等。衆應亦然

若從第一座十字架到第二座十字架相隔九步走時亦該念此二句不拘多少遍以下諸處做此念經如前

第二處

此第二處，發顯吾主耶穌聽了比辣多審判該死，惡人強耶穌仍穿本衣服，使人認得，又拿一重大木十字架，令之肩負。

默想○我的靈魂，你想想，吾主耶穌肉身疼痛流血，無人憐惜，受惡人許多凌辱，把十字架放在身上，何等樣喜歡背負，走此苦路爲救你，你今跟隨耶穌，向耶穌云。

祈求○我可愛救贖之主，雖爾之仇人，將十字架放爾身上，爾甘心爲贖我罪，總不推辭，我自今以後，何敢推辭爾所賞賜，爲

聽爾命之十字架，求爾壓伏我之偏情，爲能隨爾之意，補贖我罪，承行聖命。啊們。 念經如前

第三處 此第三處，發顯吾主耶穌背粗重十字架，聖身力盡筋疲，惡人腳踢手拉，故此跌倒在地。

默想○我的靈魂，你想一想，天神的主宰，天地的君王，跌倒在人脚下，雖被惡人踐踏，及諸凌辱，總不出一言，此乃教訓你當如何忍受他人凌辱，及諸病苦，無惱無怨。

祈求○我之天主，我因爾之壓跌，認我罪很大很重，我今痛悔求爾，以後在患難時，賞我效法爾之忍耐良善。啊們。 念經如前

第四處 此第四處，發顯吾主耶穌背十字架，路上遇見聖母瑪

利亞。

默想○我的靈魂，你想一想，吾主耶穌見其母親，及聖母見可愛之子，彼此心中，如何疼痛，如何憂苦，及彼此心中共相憐惜。聖母見可愛之子卑賤凌辱，滿身流血，吾主耶穌明認母親，心內悲傷，此時景況，實在可憐，你今對聖母云。

祈求○聖母瑪利亞，我之慈母，我是爾之耶穌受苦之緣由，本不該得爾之矜憐，但爾無窮仁慈，爲我求爾之耶穌，饒恕重罪，及在臨終時，遇見耶穌，領我至天堂永福之所。啊們。念經如前

第五處 此第五處，發顯惡人怕吾主耶穌傷重就死，不能到加爾瓦略山受釘，僱一外方人，名叫西滿，幫助背十字架。

默想○我的靈魂，你想一想，耶穌如今對你說，西滿所背的十字架，我願你一生常背。蓋耶穌命你忍受他所賞與你的苦，爲補前罪，是卽你的十字架也。如聖經上耶穌說，誰願跟隨我，該背自己的十字架，就是該忍受天主所賞的患難貧病，及各人本分當盡之苦勞。

祈求○天主耶穌，我從今以後，定要聽爾命，跟隨爾背十字架，忍受爾所賞之世苦，爲補贖我罪，及躲避永遠地獄之苦。啊們。

念經如前

第六處 此第六處，發顯有一勇敢聖婦，見耶穌臉上血汗唾污，就分開惡黨，到耶穌跟前，用白帕擦其聖面，聖容就印在帕

上。

默想○我的靈魂，你想想，此聖婦的勇敢，雖惡黨衆多，不能阻他行此熱愛耶穌之事，你定真實志向，憑無數三仇，內外誘惑，當勇敢隨德行的道路，爲報答耶穌，爲你受難的恩典。

祈求○吾主耶穌，因爾無窮愛情，受難時留此印像，求爾從新印爾聖容於我心，永遠不滅，效法此聖婦之勇敢，爲能隨爾，及去諸阻我恭敬爾之事。啊們。念經如前

第七處 此第七處，發顯吾主耶穌出城時力乏，第二次跌倒，聖傷重開，聖血重流。

默想○我的靈魂，你想想，你的大父跌在地下，受惡黨壓服，

衆人恥笑。你把耶穌的謙遜，與你的驕傲，彼此比較，耶穌是天主聖父的真子，今在衆人以下，卑賤至極，你原來是士，犯罪更爲卑賤，反願在衆人以上，你今速悔，謙卑向吾主耶穌云。

祈求○吾天主，我可愛之耶穌，爾爲消滅我之驕傲，跌倒在衆人足下，受無數輕慢凌辱，求爾賦我心中真謙之志向，不但爲補贖我罪，認己無能，並爲效法爾之心謙，能得靈魂平安。啊們。念經如前

第八處 此第八處，發顯許多婦女，跟隨吾主耶穌出城外，流淚痛哭。耶穌回頭驚醒乃說，你們不要哭我的苦難，當哭你們的罪惡，因此罪惡，實爲我受苦之緣由。

默想○我的靈魂，你想一想，耶穌很大愛情，雖在將死之時，不斷教訓，人當如何傷痛流淚，救己靈魂。該效法當日那些婦女，並聽耶穌教訓，哭你沒良心，憐愛耶穌，向耶穌云。

祈求○吾主耶穌，爾既訓我如何痛哭，爾賞我聖寵，一生不斷傷痛流淚，哭從前罪惡，實爲爾受苦之緣由。啊們。

第九處 此第九處，發顯吾主耶穌，到加爾瓦略山下，肉身力量甚乏，第三次跌倒，聖傷全裂，聖口振開。

默想○我的靈魂，難道你見耶穌第三次跌倒，還不動心麼，如德亞國人切願耶穌上山被釘，恐他死在半途，催他快走。你若常常犯罪，是學惡人的狠心，不斷難爲耶穌。如今快快離開犯

罪的機會，向耶穌云。

祈求○吾主耶穌，爾既爲我跌倒，受很大窘難，爾可憐我，赦我從前所犯之罪，賜我聖寵，再不敢難爲爾，釘爾在十字架上。啊們。念經如前

第十處 此第十處，發顯吾主耶穌，到加爾瓦略山上，惡人強剝去衣服，連皮肉都帶去，聖傷重開，聖血重流，惡黨又把酸醋苦胆，強耶穌喝，加增其苦。

默想○我的靈魂，你想一想，吾主耶穌爲潔淨之原，在衆人前身無衣服，如何羞愧，及受重苦以後，又嗑酸苦的東西，如何受得，這些都爲救你，爲補贖你，喜穿華衣，喜食美味，諸快樂，肉

情之罪惡，你今定改毛病，向耶穌云。

祈求○吾主吾天主，爾既受此凌辱，爲補我罪，求賜我罪寵，克治肉情，並躲避世上各樣虛假光榮。啊們。念經如前

第十一處 此第十一處，發顯惡黨放吾主耶穌在十字架上，用大鐵釘，穿透他的手足。

默想○我的靈魂，你想一想，你的救贖恩主，釘在十字架上，手足如何疼痛，又想十字架苦刑，是如德亞國那時極凶極重之刑罰。吾主耶穌本來無罪，受此苦難凌辱，爲消滅你肉身上私慾偏情的罪惡。你速定改諸罪，把你的私慾偏情釘在十字架上，向天主云。

祈求○全能天主聖父，爾子耶穌，已爲我罪人釘死，求爾看其苦難，饒恕我往日之罪，及賞我勇敢，爲能壓伏肉身之偏私。啊們。念經如前

第十一處

此第十二處，發顯吾主耶穌，聖身懸在十字架上，惡黨搖動，聖傷重開，聖血重流，豎立十字架在土中，兩旁又釘一二盜，惡衆大聲譏笑咒罵。其時太陽失光，地動山開，石相觸碎，坟墓自開，堂中帳幔，從上而下分開。

默想○我的靈魂，你想一想，其時加爾瓦略山是何景象，天地萬物真主，釘在十字架上，諸無靈的物，認造成之主受難，顯其憂苦。但受難的緣故，非關萬物，實因你的罪惡。豈無靈之物，

尙覺憂苦，你有靈的心，竟不動流一滴淚，爲哭耶穌的苦難，及痛恨給此苦難緣由麼。當真心痛悔，向被釘耶穌云。

祈求○吾主耶穌，吾之天主，我之兇惡罪過，卽爾所受苦難之緣由，我今明認此大關係，真悔所犯罪惡，懇求因爾所流之聖血，洗我靈魂，赦我諸罪，我真心定永遠不敢得罪吾主。啊們。

念經如前

第十三處 此第十三處，發顯耶穌死後，有人卸下聖屍，聖母接抱在懷中。

默想○我的靈魂，你想想，聖母瑪利亞，見可愛之子已死，抱在懷中，如何痛苦，諸位聖女及聖若望宗徒，見恩主死後淒涼，

如何悲傷。你效法聖母及諸聖的痛苦悲傷，哭耶穌的死，並虔心向聖母及諸聖云。

祈求○聖母吾慈母，我今斷絕從前釘耶穌之罪，爲減少爾之痛苦，定真志向，以後寧死再不敢得罪爾子耶穌，諸聖人聖女，俱爲我轉求吾主耶穌，赦我罪，加我神力，賜我永不復犯。啊們。

念經如前

第十四處 此第十四處，發顯聖母同聖人聖女等，送耶穌埋葬墳墓，蓋以石板。

默想○我的靈魂，你想一想，聖母瑪利亞及諸聖用大石掩坟，不見耶穌，心中如何慘傷，如何憂悶。你想到其間，心若不動，

明顯爾沒良心，及無痛悔往罪的憑據。倘爾心如鐵石，毫不動情，今把叩拜吾主耶穌的坟墓，思念爲你所受之諸苦難，向耶穌云。

祈求○吾主耶穌，我今朝拜爾救贖之坟墓，明見爾這樣愛人至極，我今傷心憂悶，痛哭流淚，暨聖母瑪利亞，及諸聖人聖女悲傷，懇求爾因此埋葬之功勞，賞賜我消滅於諸罪，晝夜記念爾之苦難於我心。啊們。

念天主經聖母經各一遍

首唱者叩拜念

天主爲爾所受之苦難，矜憐我等。

衆應亦然

到祭台前首唱

耶穌基利斯督，我等欽崇爾，讚美爾。

衆應念

爾因此聖架，救贖普世。

耶穌園中所禱，大發憂悶，汗血遍地。

耶穌基利斯督，我等欽崇爾，讚美爾。

後倣此

耶穌被茹達斯負賣，惡黨如捕賊然。

耶穌被妄證多罪，教首審問如罪人。

耶穌被唾面打嘴，掩障聖目，訕毀聖名。

耶穌被惡人棄絕，過於大罪人巴拉巴。

耶穌被綁縛於石柱，受鞭打酷刑。

耶穌被茨籐聖首，棘刺深入於腦。

耶穌無罪而問死罪，親背十字架登山。

耶穌負十字架時，路上力乏幾次跌倒。

耶穌手足被釘於十字架，在兩盜中。

耶穌仰求聖父赦仇，恩賜右盜升天。

耶穌在架上語徒若望，表聖母爲我等慈母。

耶穌將終曰渴，惡人飲以酸醋苦胆。

耶穌死後肋傍被刺，血水盡流。

首唱者念我等欽崇讚美救贖者天主，可愛的大父，天地萬物，俱爲我欽崇讚美之，因其受無窮苦難，捨己生命，爲救贖犯命的人類。我等尋思如是恩惠，當很羞愧己之沒良心，真心悔恨前罪，向耶穌云。

天主耶穌，基利斯督，天地萬物大主，人類之救贖，我在爾台

前，認我之錯，告我之罪，及明知所有過惡，真該萬死，但我恩主，今依靠爾，爲我所受之苦難，所流之聖血，真切悔恨前罪，在天地萬物之前，立心定志，一生悔恨補贖，寧死再不敢犯。懇求看爾無窮救贖功勞，饒恕我，賞我聖寵，以後隨爾，全守爾之命令。啊們。

●耶穌聖名禱文

啟天主矜憐我等，

應基利斯督矜憐我等，天主矜

憐我等！

啟耶穌俯聽我等，

應耶穌垂允我等，

啟在天天主父者，

應矜憐我等！

後做此

贖世天主子者，

聖神天主者，

三位一體天主者，

耶穌活天主子者，

耶穌聖父之光輝者，

耶穌永光之耀者，

耶穌榮福之帝者，

耶穌義德之日者，

耶穌童貞瑪利亞之子者，

耶穌宜愛者，

耶穌可奇者，

耶穌至毅之天主者，
耶穌後世之父者，
耶穌宏謨之宗師者，
耶穌至能者，
耶穌極含忍者，
耶穌極順命者，
耶穌良善而心謙者，
耶穌愛潔德者，
耶穌極愛吾人者，
耶穌安和之天主者，

耶穌生活之原者，
耶穌諸德之表者，
耶穌熱切救人靈魂者，
耶穌吾天主者，
耶穌吾等蔭庇者，
耶穌諸貧乏之父者，
耶穌諸信友之寶藏者，
耶穌善牧者，
耶穌真光者，
耶穌無始無終上智者，

耶穌無窮善德者，

耶穌吾儕之路與生活者，

耶穌諸天神之樂者，

耶穌諸聖祖之皇者，

耶穌諸宗徒之師者，

耶穌諸聖史之傳者，

耶穌諸致命之毅者，

耶穌諸精修之光者，

耶穌諸童身之潔者，

耶穌諸聖人之冠者，

啟望耶穌垂憐，

應耶穌赦我等！

啟望耶穌垂憐，

應耶穌允我等！

啟於諸凶惡，

應耶穌救我等！

後做此

於諸罪過，

於主義怒，

於魔隱計，

於邪淫之魔，

於永死，

於怠忽主之默牖，

爲主降孕爲人之奧，

爲主聖誕，

爲主聖嬰時，

爲主天主者之度生，

爲主之苦勞，

爲主憂悶至死及主受難，

爲主十字架及被棄無聊之

苦，

爲主孱弱，

爲主死且葬，

爲主復活，

爲主升天，

爲主忻樂，

爲主榮福，

啟除免世罪天主羔羊者，

應耶穌赦我等！

啟除免世罪天主羔羊者，

應耶穌允我等！

啟除免世罪天主羔羊者，

應耶穌憐我等！

啟耶穌俯聽我等，

應耶穌垂允我等。

請衆同禱：吾主耶穌，基利斯督，爾昔有言曰，人求則受，人尋則得，人叩則開。今求主賜我等，爾至聖愛之情，使我等全心，以言以行愛慕爾，並頃刻無間讚美爾。

主賜我等敬畏愛慕爾之聖名，恆常不變，因凡蒙主牖，堅心愛爾者，永不乏爾照顧，乃生乃王世世。啊們。

熱心誦此禱文者每次能得三百天大赦

●耶穌聖心禱文

啓天主矜憐我等，

應基利斯督矜憐我等，

啓基利斯督俯聽我等，

啓在天天主父者，

贖世天主子者，

聖神天主者，

三位一體天主者，

永遠聖父之子耶穌之聖心，

耶穌聖心聖神所成於貞母胎中者，

天主矜憐我等！

應基利斯督垂允我等！

應矜憐我等！

耶穌聖心全體合於天主聖言者，

耶穌聖心無限尊威者，

耶穌聖心爲天主之聖殿，

耶穌聖心爲至上者之幕府，

耶穌聖心爲天主之宮上天之門，

耶穌聖心爲愛德之烈窖，

耶穌聖心爲公義慈愛之聖所，

耶穌聖心充乎仁慈情懷者，

耶穌聖心爲諸德之淵，

耶穌聖心最宜受頌者，

耶穌聖心爲衆心之王并爲其所向者，

耶穌聖心爲上智神明諸藏之所在，

耶穌聖心爲主性全備之所居，

耶穌聖心爲聖父所忻悅者，

耶穌聖心我等咸受其盈餘，

耶穌聖心爲永陵之願望，

耶穌聖心最耐極慈者，

耶穌聖心富有以賜禱爾者，

耶穌聖心爲神命聖德之源，

耶穌聖心爲我罪之補贖，

耶穌聖心飽受凌辱者，

耶穌聖心爲我罪受傷者，

耶穌聖心至死順命者，

耶穌聖心爲長矛所刺透者，

耶穌聖心爲諸忻慰之泉，

耶穌聖心爲我生命與復活，

耶穌聖心爲我安樂與平和，

耶穌聖心爲贖罪之犧，

耶穌聖心爲望爾者之救援，

耶穌聖心爲臨終賴爾者之祈望，

耶穌聖心爲諸聖人之懼怖，

啓除免世罪天主羔羊者，

應主赦我等！

除免世罪天主羔羊者，

主允我等！

除免世罪天主羔羊者，

主憐我等！

啓仁善心謙之耶穌，

應懇使我等之心仰合爾心。

請衆同禱：全能永生之天主，垂視爾極愛子之心，及其爲罪人頌爾，并代行補功：凡罪人乞爾慈憫，懇卽息怒赦之。惟緣爾子耶穌基利斯督之名，其偕爾偕聖神，爲一天主，迺生迺王，迄無窮世。啊們。

○獻心誦

至聖之心兮，神愛衆！聖三之宮兮，重生原！爾情如醉兮，及血流，振振志兮，永不休。爾爲犧牲兮，用救萬民。爾爲飲食兮，用飽饑人。心兮心兮，誰知爾志？惟火生火，惟情引情。悲哉悲哉！爾情猶火兮，我冷似堅冰；爾潔如玉兮，我惟習醜行；爾寘載棘兮，我欲安華枕；爾求辛苦兮，我苦則不寧。嗚呼，我心兮，已焉哉。耶穌至善者，心不知爾美，匪心也。耶穌極仁者，人不感爾惠，匪人也。耶穌大明者，爾心度我心，愛乎否乎，爾心知之。耶穌全美者，永矢愛爾。我愛若小，爾愛之大，足以大之。我心若冷，爾心之火，足以火之。獨賴我力，力無所能。敬求爾心，始無

不及。今我所大欲也，以心易心而已矣；爾心所好，我亦好之；爾心所惡，我亦惡之；爾心所思，我亦思之；爾心所願，我亦願之。夫愛之誠，惟在實行，不在虛言耳，是故我禱於爾。耶穌所貽，我愛之愛，我心之心。懇懇求爾，範鑄我心，爾光照之，令其愛耶穌爾生焉；爾火煬之，令其愛耶穌而死焉；爾策圍之，俾其以世俗之樂爲苦，以耶穌之苦爲樂焉。以十字聖木益之，使其研厥價而知厥味，拳拳抱之而擊焉。以耶穌三釘釘之，賜體信望愛三德，克信而無惑，克望而無變，克愛而無限。心兮心兮，奚爾見傷？戟兮戈兮，奚不我戕？心中傷兮，喜永不愈。可愛瘡兮，幸而弗去。噫，耶穌心生之生者，我心旣爲爾所取，爾心旣

爲我所得；自今而後，拜爾聖心，以爲我行之元，我憂之慰，我病之痊，我悅之始，我謀之終，我罪之宥，我德之榮，惟佑我生，惟善我死，聊與爾如一，同覩天國之光，同得榮福之慶。啊們。

○奉獻萬民與耶穌聖心祝文

吁至甘飴之耶穌，救贖人類者。吾儕伏於爾聖台前，求爾垂視憐顧。我等原屬於爾亦實甘心屬下於爾。今爲與爾聯合更深，故於今日，將我等情甘再獻於爾聖心。仁慈耶穌，人類之中，多有從未識爾者，更有輕視爾誠，背叛爾者。求爾一一矜憐，引歸爾之聖心。吾主耶穌，求爾不但作我信友，未離爾者之君王，亦求作彼敗子，背離爾者之慈父，賜早歸家，不致困餓而死。凡爲

謬見所惑者，或因讐恨不睦者，求爾作其君王，引爾真實之岸，臻於信德之至一，使成一棧，共爲一牧之所牧。未奉教者，深爲異端回回之所迷，求爾作其君王，賜脫暗昧，得視真光，同歸天主之國。吾主耶穌，以爾慈目憐視，特選如得亞民，雖彼等擔負，無辜義血，亦可沾領聖洗，而得救贖常生。賜爾聖而公會，安享自主之權，無擾無阻。並賜萬民俱治，盡享泰平。更賜寰區八極。同聲讚爾聖心曰。耶穌聖心俾我得沾救贖之惠，願其受享光榮，迄無窮世。啊們。

○奉獻全家與聖心誦

吾主耶穌，我今跪在爾聖心像前，感念爾諸凡恩德，愛慕爾無

窮美善，回念爾告聖女瑪加利大，願各國君民，咸獻於爾，我今體爾聖意，依賴無原罪聖母瑪利亞，及中國大主保聖若瑟轉達，將我全家，獻爾聖心，願家中常有信望愛三德，人人勤謹行事，用心祈禱，內外平安，懇求爾仁慈聖心，作我家主，理我諸務。吁，可愛之耶穌，我將一切景況，無論患難喜慶，全託於爾，求爾降福於生者亡者，出外者在家者，凡爲我家之人，莫不保護，倘我儕之中，有人傷爾聖心，求爾寬宥，仍復垂憐。

吁，耶穌聖心，爾固慈善無量，我求爾保佑天下教友，並賜中國外教進教，聖教平安。噫，仁愛之海洋，求爾助我全守主誠，卒得善終之恩，又望全家均至天堂，永謝爾聖愛。啊們。

○聖伯爾納多託賴聖母誦

至仁至慈者，童貞瑪利亞，我望爾記念不拘何人，赴於爾干城者，懇爾恩佑者，求爾轉達者，從來未聞爾棄絕之，吁，童身之聖童身者母，無賴罪人，依此大仁，速向於爾，近來爾前，伏地悲號爾，天主聖母，我切心求爾，勿嫌吾禱，乃俯聽我，乃垂允我。啊們。

●聖若瑟禱文

啟天主矜憐我等，

應基利斯督矜憐我等，天主矜

憐我等！

啟基利斯督俯聽我等，

應基利斯督垂允我等！

啟在天天主父者，

應矜憐我等！後做此

啟贖世天主子者，

聖神天主者，

三位一體天主者，

聖瑪利亞，

應爲我等祈！後做此

啟聖若瑟，

達味之榮裔，

聖祖之輝耀，

天主聖母之淨配，

聖母童貞之潔護，

天主聖子之鞠養，

啟基利斯督之勤衛，

應爲我等祈！後倣此

聖家之長，

若瑟至義者，

若瑟至潔者，

若瑟至智者，

若瑟至勇者，

若瑟至順命者，

若瑟至忠者，

忍耐之明鏡，

貧窮之實愛，

工藝之表率，

家居之光榮，

童貞之保護，

家室之砥柱，

苦者之安慰，

病者之希望，

臨終之主保，

邪魔之驚懼，

聖教之保障，

啟除免世罪天主羔羊者，

應主赦我等！

啟除免世罪天主羔羊者，

應主允我等！

請衆同禱 天主爾以莫名之制，特簡榮福若瑟，爲童貞聖母之

淨配，懇祈賜我等，凡在世恭敬其主保者，在天得蒙其轉達，乃爾於天主父，及天主聖神，爲一天主，乃生乃王世世。啊們。

○求聖若瑟垂佑

福哉若瑟，我於困苦中奔爾台前，旣求爾之聖淨配之助，復敢求爾垂佑，因爾於天主無玷貞母相契之情，及爾護衛耶穌聖嬰

啟除免世罪天主羔羊者，

應主憐我等！

啟主立之爲己家長，

應又立之爲諸產之主。

所懷慈父之愛，懇求爾念我爲耶穌聖血所置嗣業，惠然眷顧，以爾大能，助佑我於艱難之中。

吁，勤慎護守聖家者，求爾護守耶穌基利斯督之簡裔。

吁，至慈之父，無任我染邪說物誘之疫，我大能之主保，我於惡魔交戰，望爾自天憐助，爾昔救耶穌聖嬰於性命極大之險，今求爾護主聖教會，脫免仇計，及諸困阨，並求恆保我衆，俾得奉爾爲表，賴爾佑翼，善生善死，幸獲永福於天堂。啊們。每日一次能得
三百天大赦

●聖人列品禱文

啓天主矜憐我等，

應基利斯督矜憐我等，天主矜

憐我等！

啓基利斯督俯聽我等，

應基利斯督垂允我等！

啓在天天主父者，

應矜憐我等！

贖世天主子者，

聖神天主者，

啓三位一體天主者，

應矜憐我等！

啓聖瑪利亞，

應爲我等祈！

後做此

天主聖母，

童身之聖童身者，

聖彌額爾，

聖嘉俾厄爾，

聖辣法厄爾，

諸聖遣使天神及宗使天神者，

眞福之神諸聖品者，

聖若翰保弟斯大，

聖若瑟，

聖教古祖及先知諸聖者，

聖伯多祿，

聖保祿，

聖安德肋，

聖雅各伯，

聖若望，

聖多默，

聖雅各伯，

聖斐理伯，

聖巴爾多祿茂，

聖瑪竇，

聖西滿，

聖達陡，

聖瑪弟亞，

聖巴爾納伯，

聖路加，

聖瑪爾谷，

宗徒及聖史諸聖者，

吾主聖徒諸聖者，

無罪孩童諸聖者，

聖斯德望，

聖老楞佐，

聖味增德，

法俾盎及巴斯弟盎二聖者，

若望及保祿二聖者，

葛斯默及達彌盎二聖者，

熱爾瓦削及玻羅大削二聖

者，

爲天主致命諸聖者，

聖西爾物斯得肋，

聖額我略，

聖盎博羅削，

聖奧斯定，

聖熱羅尼莫，

聖瑪爾定，

聖尼各老，

司教及專務修道諸聖者，

專務明達傳解聖道諸聖者，

聖安當，

聖本篤，

聖伯爾納鐸，

聖多明我，

聖方濟各，

主祭及副祭諸聖者，

會中獨善及隱迹精修諸聖

者，

聖女瑪達肋納，

聖女亞加大，

聖女路濟亞，

聖女依搦斯，

聖女則濟利亞，

聖女加大利納，

聖女亞納大西亞，

童女及貞婦諸聖女者，

天主諸聖人聖女者，

啓望主垂憐，
應主赦我等！
啓望主垂憐，
應主允我等！
啓於諸凶惡，
應主救我等！
於諸罪過，
於主震怒，
於猝死，
於魔隱計，

後做此

於怒及怨及餘惡情，
於引誘邪淫之魔者，
於雷及暴風迅雨者，
於地震之罰，
於疫荒兵戈，
於永死，
爲主降孕爲人之奧，
爲主降來偕於人，
爲主聖誕，
爲主受洗及主聖齋，

爲主十字聖架及諸萬苦，

爲主死且葬，

爲主聖復活，

爲主靈奇之升天，

爲施慰聖神之降臨，

至於審判，

啓我衆罪人，

應祈主俯聽我等！

啓求赦我罪，

應主俯聽我等！

後做此

求恕我失，

求賜我等真全痛悔，

求賜保存爾聖教會，

求賜提佑教皇及聖教諸品

恆持仁義，

求賜馴服聖教諸仇，

求賜教中帝王諸侯太平及

眞實和睦，

求賜教中萬民太平及共睦

一心，

求賜諸迷途者重回聖教之
至一並引衆外教者得瞻
福音之真光，

求賜堅存我等於爾聖役，
求賜吾心仰慕天上之事，
求賜永福酬諸我恩人，
求賜我等並兄弟親戚及恩
人之靈魂皆免永禍，
求賜生存田地百穀，
求賜永安於已亡諸信者，

啓求賜垂允我等，

應主俯聽我等！

啓天主子者，

應求主俯聽我等！

啓除免世罪天主羔羊者，

應主赦我等！

啓除免世罪天主羔羊者，

應主允我等！

啓除免世罪天主羔羊者，

應主憐我等，

啓天主顧我撫我，速格以救助我。

應凡營殄我命者，乞令彼愧，乞令彼駭。

啓凡願我罹凶者，乞令彼却，乞令彼赧。

應凡欣相告語，嘻哉嘻哉，令彼卽却，令彼卽赧。

啓凡覓主者，必悅樂於主事，凡愛主真福者，恒稱揚主之盛大。

應我乃貧者窮者，天主佑我。

啓主爲佑我救我者主，求毋延緩。

應天主聖父，及聖子，及聖神，吾願其獲光榮。

啓厥初如何，今茲亦然，以迨永遠，及世之世。

應啊們。

啓天主保護爾之厮役。

應彼乃特仰望主。

啓天主希爲我等勇毅之敵樓。

應以對敵仇。

啓求仇毫無得勝我等。

應又求惡逆子毋得害我等。

啓天主勿據我罪，以施我等。

應亦勿據我惡，以報我等。

啓請衆同禱，爲我等教宗。

應伏祈天主，護之壽之，於此下土，賜之榮福，一切毋委付於其

仇計。

啟請衆同禱，爲我等諸恩人。

應伏祈天主，凡施我恩者，爲爾聖名與之常生。啊們。

啟請衆同禱，爲已亡之諸信者。

應伏祈天主，賜之永安，及令永光照之。

啟望其息止安所。

應啊們。

啟請衆同禱，爲我等昆弟遐邁者。

應吾主救爾厮役，特仰望主。

啟吾主自天降福以洪佑。

應自天眷顧及之。

啓天主俯聽我禱。

應我號聲上徹於主。

請衆同禱，天主本情，恆憫恆宥，伏求受禱，凡我等及爾衆僕，爲罪之縲紲所繫者，主施寬仁，矜而釋之。

伏望天主，聽我等拜懇者之籲，恕我等自訟者之罪，幸賜寬赦，卽獲安寧。

伏望天主，慨發難名之仁慈，乃脫我等於諸罪，又拯我等於因罪當受之諸罰。

天主緣人獲罪，主卽震怒，倘克痛悔，主卽霽威，特祈憐視爾民

哀切之禱，而免我等因罪當受主怒之罰。

無始無終全能者天主，懇憐爾臣，我等教宗某，因主仁慈，導之永福之路，以能賴主洪恩，竭心殫力，以承主之所重。

天主凡諸聖願，正謀義行，咸自主出，懇畀爾僕隸以人世弗能畀之太平，俾我等誠奉主命，當我茲世，賴爾蔭覆，盡脫仇懼，悉獲安靖。

求主聖神之火，爍熱我等冰心，以能貞身服勤主命，並能淨心翕合主旨。

天主造成萬物，救贖人罪，伏望免爾諸僕婢靈魂之罪，令其生平所願大赦，以其虔禱得之。

伏望吾主，我等功行，寵照先之，輔翼前進，使我凡諸禱者行者，恆自主肇，又賴主訖。

無始無終，全能者天主，凡人生者死者，主並王之。凡主所豫照，以信德以功行，將錄爲主民者，主普恤之。伏祈主，凡我等爲苦人立意奉禱，或尙負肉軀，而爲今世所留者，或既脫肉軀，而爲後世所收者，請諸聖之轉達，以主慈之寬裕，皆得其罪之赦，爲我等主耶穌基利斯督爾子者，其偕爾偕聖神，爲一天主，乃生乃王世世。啊們。

啓天主俯聽我禱。應我號聲上徹於主。

啓特望全能至仁天主垂允我等。應啊們。

啓凡諸信者靈魂，賴天主仁慈，息止安所。應啊們。

●助善終經

助善終引

病人臨終，應先提醒其真切痛悔一生之罪，痛悔之意，非專爲怕下地獄受永苦，非專爲升天堂享永福，惟因得罪至仁至義大父母天主。宜愛之萬有之上，甘受萬苦萬死，再不敢得罪。又提醒此時係至寶之時，消罪立功之候，過此時候，永不能再得，天主特賜此時，該忍耐眼前病苦，獻於天主，謝天主大恩，想吾主耶穌被釘十字架受苦。又提醒兒女妻子，家務財貝，一切該棄置不管，專心向天主，救爾靈魂，時時發信主望主愛主之心，若魔鬼來誘惑，說爾罪大，不得升天堂，爾卽逐退云，我罪雖多，天主慈愛無窮，惟依賴吾主耶穌無限功勞，既生我養我，引我奉教，救贖我，望主可憐我，賞我天堂永福。問曰，願求天主赦爾一生罪過否，答云，願。又問，若病愈願改過遷善否，答云，願。又問，或有得罪他人處，肯真心求饒赦否。答云，肯求饒赦。又問，肯與隣人相和否，答云，肯和。又問，缺欠他人之財物，情願償還否，答云，情願償還。

◎臨終念

若病人不能念此經助善終者代
念令病人聽之可發向主之心

主手付吾靈魂，主真實天主，已救贖我。耶穌基利斯督，仁慈父，矜憐我困窮，予乃主所造之物。吾主天主，扶護我急難之中，濟佑我窮迫孤危無靠之魂，勿被吞於猙獰惡鬼。耶穌基利斯督，爲受難之功，使我名預錄於天冊。造我救我，耶穌基利斯督。獻我心於主，主勿棄，我來依主，主勿逐。求主仁慈矜憐我，賜我靈魂恬然歸於安所。吾主耶穌德音，詔於吾耳曰，汝偕予今日，並享天堂眞福。啊們。

向聖母誦

聖母瑪利亞，聖寵之母，慈悲之母，護衛我於諸仇，接導我於死候。

向天神誦

伏求真福諸天神大能，護救我於邪魔之陷穽，賜接我靈，得享天福，伏祈護守天神，此時轉求救我。

向本名主保聖人念

至榮聖人某，予在世，望轉達天主，茲窮迫之時，懇求扶佑我，在天主台前，加增神力，保護救危。

◎臨終禱文

啟天主矜憐我等，

應基利斯督矜憐我等，天主矜

憐我等！

啟基利斯督俯聽我等，

應基利斯督垂允我等！

啟聖母瑪利亞，

應爲彼祈求！

後做此

諸聖天神，

聖亞伯爾，

聖人聖女諸品者，

聖亞巴郎，

聖若翰保弟斯大，

聖若瑟，

聖教諸古聖祖聖先知者，

聖伯多祿，

聖保祿，

聖安德肋，

聖若望，

諸聖宗徒諸聖史者，

主之諸聖徒者，

諸聖嬰孩者，

聖斯德望，

聖老楞佐，

諸聖致命者，

聖西爾勿斯德肋，

聖額我略，

聖奧斯定，

諸聖司教諸聖精修者，

聖本篤，

聖方濟各，

聖嘉彌祿，

聖若望德德阿，

諸聖會修諸聖獨修者，

聖女瑪利亞瑪達肋納，

聖女路濟亞，

諸聖童女諸聖節婦者，

天上諸聖人諸聖女者，

啓吾主垂憐，

應主救彼者！

啓吾主垂憐，

應主救彼者！

啓於主義怒，

應主救彼者！

後做此

啓於死之危險，

於凶惡死，

於地獄永苦，

於諸凶惡，

於邪魔誘害，

爲主聖誕，

爲主十字聖架及主苦難，

爲主死且葬，

爲主聖榮之復活，

爲主靈奇之升天，

爲聖神降臨之聖寵，

於審判日，

啓我等罪人，

應祈主俯聽我等以宥彼者！

啓天主矜憐我等，

應基利斯督矜憐我等，天主

矜憐我等。

信者靈魂，出離此世，因生爾者，全能天主聖父，及受苦救爾者，天主聖子，耶穌基利斯督，及降臨寵爾者，天主聖神之名，因天神諸品之名，因聖教古聖祖及聖先知之名，因聖宗徒及聖史之名，因諸聖致命及聖精修之名，因諸聖會修，及諸聖獨修之名，因諸聖童女及諸聖人聖女之名，今日賴主仁慈，直升天堂，息止安所，爲我等主基利斯督。啊們。

至慈至仁天主，恃主無限仁慈，赦免痛悔者之罪，恕宥從前罪愆，伏乞天主，視爾僕某，俯聽真切哀求之禱，望主盡赦平生之罪，至慈天主，爾僕向被三仇誘惑，求主惠賜滌潔，蒙主救贖內，憐之憫之，得赦罪之恩，爲我等主基利斯督。啊們。

親愛之人，今我以爾靈魂，託獻於全能者天主，獻爾於造物者天主，願爾靈魂，離身軀後，幸遇諸品天神，諸宗徒副審者來引爾，致命之勇士來接爾，精修光明之旅來伴爾，極樂聖童貞之羣來迎爾，送爾於天堂，望耶穌慈顏善視之，判爾永在侍衛中，免地獄幽苦桎梏，猛火之懼，善神保爾，邪魔惡鬼，服退驚怖，投奔地獄永夜中，天主聖威，散滅敵仇，使謀害爾者逃竄，而義德聖人，歡慶於天主台前，於是獄鬼羣衆，羞慚退伏，向來羣徒路濟弗爾惡黨，不敢阻滯爾升天之路，伏望基利斯督，因其苦難救贖，置爾於天堂，常生永福之所。啊們。

吾主救爾僕靈魂，於地獄之險，刑罰之苦，及諸災難。啊們。

吾主救爾僕靈魂，如救厄諾各，厄利亞，二古聖人。啊們。

吾主救爾僕靈魂，如救古聖諾厄於洪水。啊們。

吾主救爾僕靈魂，如救古聖亞巴郎於惡黨之手。啊們。

吾主救爾僕靈魂，如救古聖若伯於諸逆害。啊們。

吾主救爾僕靈魂，如救依撒格於祭台。啊們。

吾主救爾僕靈魂，如救羅德於鎖多瑪之刑罰猛火。啊們。

吾主救爾僕靈魂，如救古聖梅瑟於惡王之權。啊們。

吾主救爾僕靈魂，如救大尼陀爾於獅口。啊們。

吾主救爾僕靈魂，如救三聖童於窖火焰中，及暴王之怒。啊們。

吾主救爾僕靈魂，如救聖女蘇撒納於妄證之辱。啊們。

吾主救爾僕靈魂，如救古聖達味於撒烏爾王之恨，及葛利亞之劍。啊們。

吾主救爾僕靈魂，如救聖伯多祿聖保祿於囚禁，及救童身致命聖女德加辣，於三刑之苦。啊們。

伏祈吾主，爲爾屢救諸聖患難，特望亦救此僕靈魂，得升天堂，明見聖容，享無窮福。啊們。

吾主令某靈魂托獻於主，懇祈救世者，吾主耶穌基利斯督仁慈，既爲之降生，望息止於諸聖人之天堂，吾主恕其少齡無知之罪，因爾大仁慈，賜於榮福光明之所，開天門，賜納天國，天神慶賀，總領聖彌額爾，取其升天，諸品天神，引至榮美萬福之

所，宗徒聖伯多祿接之，聖保祿扶之，聖史若望引之，爲其轉達，能解罪縛，諸宗徒者，爲彼祈求，諸聖人聖女在世時，爲耶穌受諸苦難者，爲彼祈求，救脫其肉軀拘繫，升之天國，一切所求，望吾主耶穌恩許，其偕聖父，偕聖神，乃生乃王世世。啊們。

臨終感謝求助誦

吾主天主，聖父聖子聖神，三位一體，全能全知全善，無始無終者天主，生我養我，賜我進教，奉事真主，保存至今，種種洪恩，時感時謝，莫能名言，我茲病勢已極，死期在邇，追憶前愆，難以數計，我真認己至卑賤，至罪惡，捶胸愧恨，泣訴哀鳴，依賴吾主耶穌降生，受苦受難，被釘十字架，聖體聖血救贖功勞，矜

憐賜宥亦如右盜，恩賜上升。

嗚呼，我真信主，我切望主，我熱愛主，猶求仁慈聖母瑪利亞，護守天神，本名聖人，并天朝諸聖，同爲轉祈，加我聖寵，益我神智，啟發真全痛悔，專意向慕天主，世務不能亂我心，魔術不許及我身，攜我神靈，置之主前，俾辭暫生於世上，而永生於天國。啊們。

◎終後祝文

懇祈天上諸聖人濟佑，天上諸天神接導，收其靈魂，供獻於天主台前，昔恩召爾領洗之基利斯督，收其所獻，諸天神送爾於亞巴郎懷中，收其靈魂，共獻於天主台前。望主賜伊永安，而以

永光照之，供獻於天主台前。天主矜憐。基利斯督矜憐。天主矜憐。念天主經洒聖水於屍首

啟望主賜伊永安，應而以永光照之。

啟主於地獄門，應拯其靈魂。

啟息止安所，應啊們。

啟主俯聽我禱，應我號聲上徹於主。

請衆同禱，主，我等獻托爾僕婢某靈魂，雖死於世，望活於主，凡因世物污染諸罪，賴主至仁至慈拭潔之，爲我等主基利斯督。啊們。

●殯葬經

◎入殯經

天上諸聖人濟佑，天上諸天神接導，收其靈魂，供獻於天主台前。昔恩召爾領洗之基利斯督，收爾所獻，諸天神送爾於亞巴郎懷中，收其靈魂，供獻於天主臺前。

望主賜伊永安而以永光照之，供獻伊於天主臺前。

啟天主矜憐，應基利斯督矜憐，天主矜憐。天主經一遍

洒聖水於棺

啟望主賜伊永安，應而以永光照之。

啟於地獄門，應拯其靈魂。

啟息止安所，應啊們。

啟主俯聽我禱，應我號聲上徹於主。

啟請衆同禱，主，我等獻爾僕婢某靈魂，雖死於世，望活於主，凡因世物污染諸罪，賴主至仁至慈拭潔之，爲我等主基利斯督。應啊們。

啟天主矜憐，應基利斯督矜憐，天主矜憐。天主經一遍

洒聖水於棺

啟義德之人永久無諼，應將不懼惡聲。

啟認主讚主者靈魂，弗交於猛獸，應弗概忘無依之魂。

啟祈主免判此僕婢，應蓋凡含生之衆，赴主臺前者，誰云無

罪。

啟望主拯其靈魂，應於地獄門。

啟息止安所，應啊們。

啟主俯聽我等，應我號聲上徹於主。

啟請衆同禱，主於此囿囿世，召爾僕婢某靈魂，望主憐收於困
阨之中，拯救之，息止安所，賜以永光之福，其偕諸聖，及預
錄者，於復活之樂，俾得常生。應啊們。

◎起棺時

念聖詠一句衆和天上云云四句惟初起
領經先念天上云云并首聖詠領經先念

天上諸聖人濟佑，天上諸天神接導，收其靈魂，供獻於天主台前。

聖詠天主因大仁慈矜憐我，（後省文只書詠字）

和 天上諸聖人濟佑，天上諸天神接導，收其靈魂，供獻於天主
臺前。（後省文只書和字）

詠 又因爾哀憐甚衆，鎖我逆行。

和 天上諸聖人濟佑，天上諸天神接導，收其靈魂，供獻於天主
臺前。

詠 再求多多洗我於逆行，而清潔我罪逆。

和 天上諸聖人濟佑，天上諸天神接導，收其靈魂，供獻於天主
臺前。

詠 因自認我罪逆，而我罪永爲我敵。

和天上諸聖人濟佑，天上諸天神接導，收其靈魂，供獻於天主臺前。

詠我得罪惟一主，主臺前，顯形吾惡，將使主訓，羣稱有義，而判時無不服者。

和天上諸聖人濟佑，天上諸天神接導，收其靈魂，供獻於天主臺前。

詠蓋我自胎有罪，而我母連罪孕之。

和天上諸聖人濟佑，天上諸天神接導，收其靈魂，供獻於天主臺前。

詠且主素愛真實，嘗以爾知之中，將來隱密之事，啟示我。

和天上諸聖人濟佑，天上諸天神接導，收其靈魂，供獻於天主
臺前。

詠主將洒我以伊溯波，而我自潔，將洗我，而我自白，白於雪。
和天上諸聖人濟佑，天上諸天神接導，收其靈魂，供獻於天主
臺前。

詠主將快我所聞，而骸骨被屈，今舒踴躍。

和天上諸聖人濟佑，天上諸天神接導，收其靈魂，供獻於天主
臺前。

詠懇主勿臨面，而正視我諸罪，祈消我諸逆行。

和天上諸聖人濟佑，天上諸天神接導，收其靈魂，供獻於天主

台前。

詠天上重化我心潔清，而重化誠直之神，於我五內。

和天上諸聖人濟佑，天上諸天神接導，收其靈魂，供獻於天主
台前。

詠勿加磨棄，而離爾顏，且勿奪爾聖神於我。

和天上諸聖人濟佑，天上諸天神接導，收其靈魂，供獻於天主
台前。

詠復祈還我救靈之樂，而以大德堅之。

和天上諸聖人濟佑，天上諸天神接導，收其靈魂，供獻於天主
台前。

詠我以主之諸途，並訓惡逆諸人，惡逆輩將復奉主。

和天上諸聖人濟佑，天上諸天神接導，收其靈魂，供獻於天主台前。

詠天主我恩主，救我於血罪者，我舌耀然將揚主義。

和天上諸聖人濟佑，天上諸天神接導，收其靈魂，供獻於天主台前。

詠主啟我唇我口，將頌主諸美。

和天上諸聖人濟佑，天上諸天神接導，收其靈魂，供獻於天主台前。

詠蓋主若欲犧牲，我誠心已獻，而主並不悅，全燔之祭。

和天上諸聖人濟佑，天上諸天神接導，收其靈魂，供獻於天主台前。

詠惟困心痛悔，卽祭主之犧牲也，吾主不棄慘悔謙抑之心。

和天上諸聖人濟佑，天上諸天神接導，收其靈魂，供獻於天主台前。

詠主惻然眷顧，賜恩於西婉，使日路撒冷城池並興。

和天上諸聖人濟佑，天上諸天神接導，收其靈魂，供獻於天主台前。

詠惟時主得享義德之祭，與諸獻，於全燔，惟使伊衆將置主台上多贖。

和天上諸聖人濟佑，天上諸天神接導，收其靈魂，供獻於天主台前。

詠望主賜伊永安，及永光照之。

和天上諸聖人濟佑，天上諸天神接導，收其靈魂，供獻於天主台前。

◎擡棺入墓安葬經

諸天動搖，大地震盪，主救我於永死，彼日赫赫威嚴，吾主降臨審判，今予凜然顫慄，恐迫主怒。彼時諸天神動搖，大地震盪，哀哉慘哉。降來火燬判世，望主賜以永安，及永光照之。諸天動搖，大地震盪，主救我於永死。彼日赫赫威嚴，吾主降臨審判。

天主矜憐。基利斯督矜憐。天主矜憐。天主經一遍洒聖水

啟主拯其靈魂，應於地獄門。

啟息止安所，應啊們。

啟主俯聽我禱，應我號聲上徹於主。

啟請衆同禱：懇主赦宥爾僕婢某靈魂，已死於世，望活於主。

凡因世物污染諸罪，賴主至仁至慈拭潔之，爲我等主基利斯

督。應啊們。

啟其靈魂並諸信者已去之靈魂，賴天主仁慈，息止安所。

應啊們。

●助煉靈經

◎煉獄禱文

當默念不許公念

啓天主矜憐我等，

應基利斯督矜憐我等，天主矜

憐我等！

啓基利斯督俯聽我等，

應基利斯督垂允我等！

啓在天天主父者，

應矜憐我等！

啓贖世天主子者，

應矜憐我等！

啓聖神天主者，

應矜憐我等！

啓三位一體天主者，

應矜憐我等！

啓聖母瑪利亞，

應爲亡者煉靈祈求！

啓天主聖母，

應爲亡者煉靈祈求！

後做此

啓諸童身之聖童身者，

聖彌額爾，

聖嘉俾厄爾，

聖辣法厄爾，

諸九品及八品諸天神者，

真福諸品天神者，

聖若翰保第斯大，

聖若瑟，

聖教古祖及諸先知者，

啓聖伯多祿，

應爲亡者煉靈祈求！

後做此

啓聖保祿，

聖安德肋，

聖雅各伯，

聖若望，

聖多默，

聖雅各伯，

聖斐理伯，

聖巴爾多祿茂，

啓聖瑪竇，

應爲亡者煉靈祈求！

後做此

啓聖西滿，

聖達陡，

聖瑪弟亞，

聖巴爾納伯，

聖路加，

聖瑪爾谷，

諸聖宗徒諸聖史者，

吾主諸聖徒者，

目課簡集

啓諸聖嬰孩者，

應爲亡者煉靈祈求！

後做此

啓聖斯德望，

聖老楞佐，

聖味增德，

法俾盎及巴斯弟盎聖人

者，

聖若望，

聖保祿，

聖葛斯默，

一五五

啓聖達彌盎，

應爲亡者煉靈祈求！

後仿此

啓聖熱爾瓦削及聖玻羅大削，

爲天主致命諸聖人者，

聖西爾物斯德肋，

聖額我畧，

聖盎博羅削，

聖奧斯定，

聖熱羅尼莫，

聖瑪爾定，

啓聖尼各老，

應爲亡者煉靈祈求！

後仿此

啓諸聖教會諸聖精修者，

諸聖教會諸聖大師者，

聖安當，

聖本篤，

聖伯爾納鐸，

聖多明我，

聖方濟各，

諸聖主祭諸聖副祭者，

啟諸聖會修諸聖隱修者，

應爲亡者煉靈祈求！
後仿此

聖女瑪達肋納，

聖女亞嘉大，

聖女路濟亞，

聖女依搦斯，

聖女則濟理亞，

聖女嘉大利納，

聖女亞納大西亞，

諸聖童女諸聖節婦者，

啟天主諸聖人諸聖女者，

啟望主垂憐，

應主赦亡者煉靈！

啟望主垂憐，

應主允我爲亡者煉靈祈求！

啟於暫罰之獄牢

應主救亡者煉靈！

後仿此

於煉火之厲烈，

於往罪之穢污，

於離主之痛苦，

爲主降孕爲人之奧，

應主救亡者煉靈！

後仿此

爲主臨格人世，

爲主聖誕，

爲主受洗及主聖齋，

爲主十字聖架及主萬苦，

爲主死且葬，

爲主聖復活，

爲主靈奇之升天，

爲施慰聖神之降臨，

於審判之日，

啟罪人等求主子者，

應主俯聽我等所救亡者煉

靈！

啟天主耶穌除免世罪，

應主赦亡者煉靈！

啟天主耶穌除免世罪，

應主允我爲亡者煉靈祈求！

啟天主耶穌除免世罪，

應主憐亡者煉靈！

啟天主矜憐我等，所救亡者煉靈，

應基利斯督矜憐我等，所救亡者煉靈，天主矜憐我等，所救亡者煉靈！

啟基利斯督俯聽我等，所救亡者煉靈，

應基利斯督垂允我等，所救亡者煉靈！天主經一遍

啟望主垂憐，俯聽我等祈禱，

應我號聲上徹於主，

請衆同禱：全能無始無終者天主，諸信者之常安，懇祈俯聽我等，爲已亡諸信者煉獄靈魂，諸在世之罪，一切賜赦，以主慈佑，俾獲安所，登之天堂，膺主洪恩，亦惟爲我等主，爾子耶穌

基利斯督，偕爾偕聖神，世生世王。啊們。

求爲在教適亡誦

至仁至慈天主，生養救贖吾儕，咸欲爲得天上永福，懇求憐視新亡者某聖名靈魂，赦其在世時，凡有獲罪於主，或思或言或行，命天神聖彌厄爾，保護指引於身後險路，使魔不至肆害，免墜地獄，獲升天堂，享主聖容，亦賜我將來同伊在天上，親主聖容，睹萬善萬樂之美好。啊們。

求爲在教已亡父母親友恩人誦

吾主天主，命我孝敬父母，汎愛衆人，圖報恩人，又教我追思已亡，代爲求主，我今念及父母親友恩人，去世之靈魂，在世事

主，遵從聖教，我雖無德無功，獻主臺前，求主洪慈裕容，赦我父母親友恩人煉罪，速賜升天，永遠享福。啊們。

求爲凡諸信者靈魂誦

天主生人，欲人在世立功，膺主預備之真福，我今爲已亡煉獄衆靈，在世事奉真主，信從聖教，求主垂憫寬赦，免其苦難，命天神慶報出期，又賜我今世痛悔往罪，不敢再犯，脫身後永苦，偕諸信者，享見天主聖容。啊們。

爲已亡修道會士誦

請衆同禱，伏籲吾主仁慈，俯聽我等微僕祈禱，使去世者，在某會中某慨然賜佑，置之永光永安之域，與諸聖爲同侶，爲我

等主基利斯督。啊們。

爲諸已亡者祝文

降來火燬判世，主勿記我罪。主，我天主，望引吾路，詣主臺前。降來火燬判世。望主賜伊等永安，及永光照之。降來火燬判世。

啟天主矜憐，應基利斯督矜憐，天主矜憐！念天主經
啟主拯其靈魂，應於地獄門。

啟息止安所，應啊們。

啟主俯聽我禱，應我號聲上徹於主。

請衆同禱：伏望制造救贖諸信者天主，懇賜諸婢僕靈魂，諸罪

之赦，令其生平所願大赦，以茲虔禱得之，乃活乃王，永世之世。啊們。

啟望主賜伊永安，應及永光照之。
啟息止安所，應啊們。

24

601808.

601808